


西華縣志

八至十

DS  
793  
H52H644  
1754  
v.14









西華縣志卷之八

文林郎知西華縣事宋 恂重修

人物志下

孝友  
隱逸

儒林  
文苑

義行

孝友

漢丁蘭河內人少亡母刻木爲母像朝夕進食妻惡之

俟蘭出以斧破木見血焉妻大驚蘭歸抱哭欲絕

南北朝殷不害字長卿陳郡長平人也不害性至孝居

父憂過禮由是少知名家世儉約居甚貧屢有弟五

人皆幼弱不害事老母養小弟勤劇無所不至士太

夫以篤行稱之年十七仕梁爲廷尉平長于政事太



同五年兼東宮通事舍人時朝政多委東宮不害與  
舍人庾肩吾直日奏事梁武帝嘗謂肩吾曰卿是文  
學之士吏事非卿所長何不使殷不害來耶其見知  
如此簡文以不害善事親賜其母蔡氏錦裙襦氍毹  
被褥單複畢備侯景之亂不害從簡文入臺及臺城  
陷簡文在中書省景帶甲將兵入朝陛見過謁簡文  
左右甚不遜侍衛者莫不驚恐辟易惟不害與中庶  
子徐摛侍側不動簡文爲景所幽遣人請不害爲居  
處景許之供侍益謹梁元帝以不害爲中書郎兼

尉卿魏平江陵失母所在侍養終喪終



不害行哭  
捧視舉體凍僵水漿不入口者七日始得母尸還  
而哭每輒氣絕行路皆爲流涕卽江陵權殯與王褒  
庾信俱入長安自是蔬食布衣枯槁骨立見者莫不  
哀之太建七年自周還陳除司農卿遷晉陵太守在  
郡感疾詔以光祿大夫徵還養疾後主卽位加給事  
中初不害之還也周留其長子僧首因居關中禎明  
三年陳亡僧首來迎不害道卒年八十五不害弟不

佞

南史  
本傳

不佞字季卿不害弟也少立名節居父喪以至孝稱好



讀書尤長吏術仕梁起家爲尚書中兵郎甚有能稱  
梁元帝承制授戎昭將軍武陵王諮議參軍承聖初  
遷武康令時兵荒飢饉百姓流移不佞巡撫招集襁  
負而至者以千數會江陵陷而母卒道路隔絕久不  
得奔赴四載之中晝夜號泣居處飲食常爲居喪之  
禮高祖受禪起爲戎昭將軍除妻令至是第四兄不  
齊始之江陵迎母喪柩歸塋不佞居處之節如始聞  
問若此者又三年身自負土手植松柏每歲時伏臘  
必三日不食世祖卽位除尚書左民郎不就後爲  
興王諮議參軍兼尚書右丞遷東宮通事舍人



祖廟廢帝廟代宣

為太傅錄尚書輔政甚為朝望

所歸不佞素以名節自立又受委東宮乃與僕射到仲舉中書舍人劉師知尚書右丞王暹等謀矯詔出高宗衆人猶豫未敢先發不佞乃馳詣相府面宣敕令相王還第及事發仲舉等皆伏誅高宗雅重不佞特赦之免其官而已高宗卽位以為軍師始與王諮議參軍後兼尚書右丞俄遷通直散騎常侍右丞兼故太建五年卒官不佞兄不疑不占不齊並早亡事第一寡嫂張氏甚謹所得祿俸不入私室長子梵童

位尚書金部郎

南史本傳



唐殷寅舉宏詞爲太子校書出爲永寧尉吏侮謾甚寅怒殺之貶澄城丞病且死以母蕭老不忍決及歿子亮斷指剪髮置棺中自誓事祖母如寅在其後侍蕭疾不脫衣者數年有白燕巢其楣後終給事中杭州刺史

按寅乃殷踐猷少子此在唐書殷踐猷傳中

元張厚家族四十五口五世同居事父母至孝家庭之內無閒言詔收其鄉爲孝懿鄉

明朱天賜事母孝家雖裕必躬自舂磨而後進偶家人仍聞磨聲視之則磨自旋轉不關人十喪妻以色子遂不再娶



廳與

免賦惟二不於

之味甘泣下沾襟願治乙酉拔貢以州同改任

縣丞邑地高少水以此致訟裔相地鑿泉通渠人

其利旋署汾陽事竣簡刑清邑舊有虎害未三月

渡河而安邑人謂為祥若嘗聞有至行者化及猛

結然

王右農字元照本西華人子避難於中康熙

則榜歸本籍性少妻妻母劉氏



臥病十年嚴晨夕左右曲盡孝事伯父多士亦誠  
敬兄睿達危疾嚴謹奉調護寢不解帶四十餘日三  
世同居怡怡一堂鄉黨稱之

朱宏業甫就塾卽遭明季之亂河陽砦豪橫欲殲朱氏  
業與兄廣伯潛養其母於汪姓家棄家貲奔竄惟奉  
父遺像以行備嘗坎壈不置也未幾旋里昆仲悉爲  
所屠宏業鳴之於官卒正國法乃折節讀書問字於  
社鉉之門母遭喪亂之疾宏業拮据醫藥母愈如初  
乃于城西倉頭砦築一菴水之歡其父遺像猶存出  
以示其師筆記之苑無恙社鉉爲之傳其事守身之



孝誠無忝云

陳淳性孝父鵬舉康熙丁酉舉人母王氏壽皆八十餘非急故不離親側家雖貧門內藹然因親老習醫日眡視進養和之劑父母歿遵文公家禮不用浮屠音樂以哀毀過甚成疾卒

以上採訪

趙華本雖州人康熙年間奉其父母徙于華賃耕王立德家甘旨奉親以糠粃自咽鄉人異之遺以錢粟不受間有不能却則施茶飲渴爲親祈福親歿卜地地主不受值百計致之乃塋蓋非其力不以塋其親也塋日大雨雪寒甚掩坎後以一蓆自蔽臥墓旁其女



泣挽之勸歸不可乃窖地結草廬居其中三年朝夕  
哭奠畚土增墓長女適牛氏性亦純孝念父廬墓憂  
泣而卒

金含章字文孫天性孝友康熙辛酉施閏章奉使中州  
重其才品欲爲納貲就試堅謝之補邑庠父康裔官  
孝義承以疾歸臥榻數載章躬親藥餌無間晨夕父  
止之終不離父側兄死子霞錦甫四歲章具棺葬兄  
撫其遺孤設室焉雍正四年舉孝廉方正大中丞以

敦倫砥行綽楔其門

以止  
府志

乙卯武舉効力兵部教習將獲爵而卒



辭歸奉其母猶有孺慕兄圻隆任蒲圻令以年老  
里翰事之甚謹每食視寒暖出搯几杖圻隆曰吾兄  
弟皆老矣子姪已長成弟何必爾翰曰吾兄也恭敬  
不衰隆歿慟甚撫其子如已子且周其宗黨以化鄉  
閭邑令李培初政頗苛翰一言而李尙平允其道入  
以善類如此年八十餘卒

宋洪禮父病痿痺手足不仁禮負親出入晝夜侍側數  
年不怠父卒泣血三年不飲酒茹葷竟以過哀兩目  
晦盲邑令介錫齡旌其門

胡令章字苞生胡然子也孝秉天性父患沉痾章目不



交曉衣不解帶者九十九日家人爲之感泣邑人理  
鬯和受業於然理殉節後章又厚事其母生養死塋  
靡所不周所云愛其親而能愛人之親者其令章之

謂歟

以上採訪

李作楨庠生安和子孝友醇篤父疾劇倉皇號泣祈天  
身代父病尋愈父偶出游必奉杖以從不假僕隸手  
歲試父子告先出楨左右四顧不覺失聲學使聞而  
異之遇鄉鄰之孝者不惜錢粟以助同里張其林家  
貧善事母一日市肥鮮歸李問之知爲養其八十老  
母也贈糧四石錢數緡林亦以孝著



何新書世居沙水北岸張李堤與妻楊孝其親沙水  
泛村當其衝水決時人皆倉皇棄廬走何母猶在殯  
新書夫婦抱棺泣涕去俄見棺浮動乃共持棺大哭  
少遲寂然衆謂已歿于水詰旦搦舟往左右村舍盪  
激無遺惟何舍巋然獨存大柳亘其前擁沙成堤新  
書夫婦猶憑棺困寐若不知在洪波巨浸中者衆嗟  
異之

徐崇文家貧力學教授里中以養父母母歿數勸再娶  
父不可文侍養十六年未嘗暫違膝下弟久析產少  
亡子未晬恐貽父憂卽撫育之遺產八畝積所穫廣



至百畝以付之病且革猶諄囑其子曰善視弱弟乃卒

趙得弼性淳篤親邁危疾醫藥弗效弼乃割股療之疾愈邑令旌曰孝行可嘉兄弟析產時取其嗇者少裕則以助婚喪之乏邑令歸鴻復旌之曰錫類開祥子芝事弼亦孝弼嘗炎暑飲還傷于瓜腹瀉甚醫疑莫救但云糞苦乃可治芝取啖之有腐瓜氣乃悟一藥而愈鄉人有欲舉其事者芝堅謝乃止其不慕名如此

王之幹甫生一周母程亡嫡母金撫之甚慈有賜其



產者交訖之將終年盡瘁至外家十年以免後訟子  
官復其業生計日促幹勵志于學授業里中以養母  
未幾母亡幹痛其苦節憂勤死未及旌年爲憾列行  
狀泣告當事乃表其贈篇輓章爲旌錄匍匐公庭求  
入邑志學使張以幹純孝可風金苦節撫孤檄入邑  
乘焉

李良景父喪哀毀滅性事母曲承意旨母憂外家無栖  
止未嘗語人景微伺其意卽舉市宅一區值數百緡  
者贈之以悅母母歿與仲弟同居二十餘年友愛倍  
篤無私蓄亦無間言生平遇人多惠親族待以舉火



者甚衆又延醫拯邵星田之疾苦病痊厚贈遣之皆  
其至性所及也以子長發贈文林郎長發任廬江知  
縣稱循吏親老辭歸百姓攀轅臥轍答曰對諸父老  
尤念吾親吾不忍與諸父老別何忍與老親離也聞  
者泣下歸里後朝夕承歡猶有孺慕父卒遂不仕

府志

凌琦字魏公邑庠生母病號泣嘗糞父疾時侍百餘日  
不怠遂以積勞嘔血不自惜也父疾甚具詞禱隍廟  
甚哀願以身代兄早殤終身祭掃其孝友如此常買

鼓祥麟二子爲僕以祥麟表孝友



鍾子去矜性亦純

少失母育于庶母李氏事李氏

篤父喪殯中堂失

人柩將不保矜號泣踞火旁願自

焚以全父柩俄而

人息柩無恙雍正十三年士民公

舉德行邑令表其

曰德孚鄉閭

王均字治平遵訓曾

少孤刻苦勵學學使湯右曾奇

之性至孝常以不事父母爲憾往往中夜哭泣雖

至密者未嘗聞其笑聲年二十五卒有詩文二卷

以上  
採訪

王步月年七歲父母繼歿育于從祖常以不逮養親憾

焉事從祖竭盡孝道從祖歿服三年喪祖母某氏當



流賊破陳時自縊以殉傳聞以闔扉瘞莫知其處月  
乃焚香告天任意啓之果祖母瘞處闔扉宛然乃改  
葬人以爲誠孝所感雍正三年選立農官鄉人以其  
孝而老于農也舉以應授八品頂帶

李大耀字念育候選廬寺主簿母早亡繼母捺家政  
甚嚴肅耀善承意口恒嬉笑母側以娛母或逢怒則  
長跽引責母不命不起起則仍嬉笑以悅其意母以  
是益愛憐之弟文唯卒撫從子甚于所生孝友之性  
老而彌篤承父志捐學田建名宦鄉賢祠又推其仁  
孝之恆以及子家火貨六千金復修補衍疇書院



及搬營口橋梁費以百金乾隆三年舉鄉飲大賓

張致貢生奉母周氏性弟三人俱幼教養勤篤以成

之內外無間邑令其門

以上府志

高勲太學生父母早亡弟三人俱幼勲撫養成立完室

季弟亡無子以已子嗣之

高鼎鉉增廣生員六世同居族人高廷弼高海幼孤無  
依謀其衣食復出金以完其室家同姓中凡處危難  
者多維持調護之宗族懷其德鉉歿後爲之成喪服  
者數人子惟修敬終父病時並願施地以禱敦友于  
之誼食必同席出則必俟其歸乃食家所蓄犬有一



不至者衆犬皆不食里人慕之凡有爭競者悉赴懇  
惟修兄弟以割曲直鄉黨不涉訟事者六十年子孫  
世守遺訓舉家百有餘口不析產業相對從無勃谿  
訓子必以義方課讀不輟以是入庠序者指不勝屈  
張相君與兄相主同鄉博士弟子員友誼甚篤同居幾  
五十年怡怡恭順兄暮年游歸子姓益蕃始析居相  
君以已腴田四百畝奉兄爲膳又贖關好賢鬻女以  
完骨肉賑鄉黨匱之以濟歲凶邑令范旌之族姪靜  
正設義塾修橋梁助族弟金郵梁姓喪人稱其好義  
生員馮有嚴年逾八十五世同居內外百餘口無鬭



王盡孝爲生員李完珍佃人母患傷寒思肉家貧不可得遂割股作羹以進之母病遂痊又年餘母歿盡孝廬墓一載生員李百川高其人捐資立石于墓採訪

郭世傑門戶單弱娶妾生子而殤傑請父娶妾以廣嗣續父母不從傑力爭不已父乃娶妾果得子傑提携

保護維謹旣長延師課之父有舊交劉姓家貧暴卒

傑以父之知交備棺以塋里人稱焉

張才實號前塘自渠祖以及其孫五世同居

舊志

生員張秉彝性至孝能雪父冤復父死後之衣巾

舊志

張應享親歿廬墓三年

舊志

張景昭母卒廬墓旌表

省志



朱世家親歿廬墓三年

舊志

儒林

後漢穎容字子嚴長平人也博學多通善左氏春秋師

事太尉楊賜郡舉孝廉州辟公車徵皆不就初平中

避亂荊州聚徒千餘人劉表以爲武陵太守不肯起

著春秋左氏條例五萬餘言建安中卒

節後漢書儒林穎容傳

明張善繼字昇宇御史善政之弟萬 癸卯與善政同

領鄉薦而名在善政前赴宴以中式次第爲階善繼

以弟不先兄請之試官遂讓席官吏嘆息稱羨有以

宋祁兄弟同榜事此者一時以爲榮由是發憤力學



明季縉紳多務虛名競驕奢善繼獨布素有儒者之風歲己未善政舉進士善繼不售得報殊喜以爲但得一第以光先業足矣其生平抑抑自下居宜山之陰衣木棉鼓梓琴無意仕進晚年學易鉤深索微遠近學者多師之稱爲昇字先生嗣子若星載方伎張善教字民愛少岐嶷有志年十二入庠年十七中萬戊子舉人勵志於學手不釋卷九精于易鉤深致遠不蹈京房王弼之失一時學易者多宗之卒年十九士大夫咸歎惜之

胡然字亦然明季爲諸生有時名數奇不遇乃棄去肆



志載籍士人多從之遊其門人理鬯和爲最著遺詩  
有十年問字舊侯巴之句邑人尙寶卿王鼎鎮立石  
表其墓云緬彼芳踪聲音在耳亦夷亦惠不衫不履  
嘯傲煙霞跌宕文史所著有湄園詩集嘗構園河干  
讀書自娛號曰湄學者稱爲湄園先生

以上採訪

王夢龍字仲雲由明經任鄭府教授自諸生至宦遊登

高眺遠躡勝探幽雖家徒四壁泊如也姊婺居夢龍

迎養盡禮天倫篤摯不愧古人好讀書手不釋卷枕

經蔗史鈔紀至七十餘部晚年著醒心纂異二卷

府志

國朝金闕望字輪恒邑庠生明崇禎時荒亂依其外父郭



家華攻苦讀書上冠蠶起避居提城寨晝習武事午夜吟唔不輟人謂足當樓頭更鼓後復避亂潁川斬海名苗沾膏輦師之從遊日衆

國初靖亂仍歸故里設帳幾三十年門下多知名士以大義引掖後進晨夕娓娓不倦爲人剛直好義卹孤瞻貧息爭止忿與之游者無不化而爲善

採訪

張景文字穆饒十九而孤身經喪亂

國初乃復業痛親不逮養恒置主于寢晨興必拜凡祭必哀學以濂洛關閩爲宗凡杖戶牖悉書古訓以自勵其教獎後人亦若此嘗元旦集姻族鄉隣男女來賀



者爲講小學內則由是歲以爲常雖邨童牧豎無不以張先生稱之初師雲谷後執經于張上蔡其學益醇而行益篤張仲誠稱爲千古真士非溢詞也

續縣志

師真儒字教可天性孝友性行醇朴年十五知志學卽以聖賢爲趨思修身揚名以致其罔極之懷時流寇倣擾中原所至屠戮如羊豕儒乃纍纍負書奔竄賊見之屢笑其迂釋之竟以是免于難

定鼎之初師資無人獨苦志沉思疑而哭跪而讀必求通解乃已嘗結廬沙水隄畔戶標駢語云家有半鎗堪煮字室無四壁不知貧聞張仲誠先生止蔡乃裏糧



往從深爲獎進嗣是數過存于華必留旬月乃去師  
儒所學益醇必本于躬行實踐著學庸講一洗章句  
陋習四方從學甚衆則解推以成其學廣藍田呂氏  
鄉約結社里中遠近鄙薄多化之者彌留際猶羅列  
羣書欄前手捫周易指方寸語門人曰惜公等昏睡  
時余不能舉以贈之耳語畢溘然而逝

續縣志

李璣字象乾少習舉子業爲諸生始事雲骨子爲師講  
學必本于躬行復游張仲誠之門敬守其學述師訓  
云學以立志爲始基存省爲要務明經爲專業嗣是  
益肆力于儒先語錄以博辨之而著察于日用行習



學益進造益深不治生產耻言利達唯日與正人端  
士譚儒先語類以爲常弟珣服習兄教棄其帖括業  
而篤志于聖賢質疑問難頗有涑水遺風耄年尤于  
夏峯先生深私淑之志云璣又別爲周易旁訓極簡

明惜未策行

續縣志

王斌煥字子謙游雲骨子之門潛心力學事其師數十  
年雲骨子歿治墓禮心喪三年歲時伏臘祭掃盡誠  
曾中武科非其素志尋棄去以所學訓後進大抵先  
德行後文藝深以弋取利祿爲戒負笈從游者日衆  
至隣舍不能容晚年族友約走燕都卒于客邸戶曹



光稟經理之歸其張邑人題其墓曰道學王  
續縣志

及採訪

秀字宜璧一字太拙子幼而穎異十歲始就塾不  
二載四子書五經皆成誦見架上有資治通鑑心慕  
之自是四方鬻書者至必請于父購焉或不遂則泣  
請于母必得之而後快當明季之亂藏書厄於兵燹  
收遺書于灰燼之餘避亂洄窩爲土寇劉君舉所獲  
陷賊中讀書不輟君舉夜聞呬唔聲詰得姓名大嗟  
異明旦釋歸自是旅寓河陽留心古今秘笈搜得之  
諷咏忘倦或筆之於紙手錄成帙著述甚多其最大



者爲世史直筆十七卷忠烈傳十二卷世史直筆以  
常熟史叅之李大蘭類編倣紫陽綱目體例忠烈傳  
義主忠烈而附以孝義清廉三稿藏于家世罕知者  
兄養元應元弟呈錦先元並與呈秀輩聲實序以博  
雅稱其曾孫泰垚元孫陶斯亦好學能文章爲邑諸  
生有時名

張文桂字牧若一字槎菴爲文奇麗雄放受知于祭酒  
張榕端後以家門多故發憤應試癸酉科力疾入闈  
果中式所學長于周易有大易了然一卷往往發前  
人所未發年逾三十而卒



字文伯食餼于庠有文名郡守目爲國士復受  
業上蔡張仲誠學益進自六經蘊奧與夫諸子百家  
靡不燭照數計提要鉤元惜其數奇不偶教授里中  
而未竟其用遠近學者多從之所著有聚德集日知  
錄訓倫規諸書

程起鳳字來儀世居西華清水鎮性至孝幼有夙慧父  
養吾奇之七歲能辨四聲伯父春雨授以古文過目  
成誦年十二父病願以苦行祈禱三冬赤腳冰雪中  
不知皴凍遠近以爲異十五就外傳於書靡所不讀  
下筆數百言揮洒如飛銳志于學嘗叩虛守靜則怡



然如有所得聞邑中杜象三先生講程朱之學往師之  
之寃心于性理諸書盡吐一切粹如也鳳始以父老  
母疾難違膝下不能遠游求師厥後親歿塋畢携一  
老僕策蹇扶病謁徵君孫奇逢于夏峰時疾甚不能  
拜跪使僕代之留百泉旬日歸數日而卒

王遵性字子率戶部侍郎王遵訓弟初爲諸生不以門  
第自高下帷攻苦試輒冠軍仇滄柱張朴園甯觀齋  
諸前輩亟稱之居恒手不釋卷一時從遊之士至學  
舍不能容鄉黨忿爭來質者未至輒返曰寧不自斲  
何以實爲也家姑與鄉飲者一所著有圭齋漫載八



卷一樽集四十卷南郡秘書二十八卷闌干外紀一卷藉書急抄一卷小演二卷工書法得鍾王筆意

張世道字子厲家貧力學酷嗜真氏大學衍義馬氏文獻通考諸書志節高邁途中有遺錢若干世道遇之若弗見者士人以爲有管寧鋤金之風嘗應試歸過孫家嘴爲豪强家童僕寃死處鬼聲甚哀世道曰我知爾屈爾知我直故相告耶然已無可奈何矣害子者之報當不爽也子姑待之鬼卽止聲道亦嘆息而去後爲邑令作贊學使見而異之急欲拔取入庠時年六十矣未試而卒



胡儼字溯遠性嗜學聞上蔡張仲誠講學大梁書院不  
遠數百里從之博覽羣書尤精探經史抉幽摘微發  
前人所未發課授生徒著述自適年及耄手不釋卷  
其行文一宗成弘簡易平直以是不售邑令饋之粟  
時爲存問秉鐸王漢陽延之臯比執弟子禮焉所著  
有方韻相轉天文考僞比隱游草集質疑六冊諸書  
藏于家門人李完璧爲刻四書質疑行世子瞿雍正  
癸卯舉人性醇謹好學

胡儼英字誠子德昌中和穆然有古風爲邑諸生



伯父歿析爨推產讓兄英授徒以自養修脯之人  
以周兄性廉介不苟而接物和煦不見有傲慢容  
中舉月值者事與侯人等衆不屑爲英請爲之曰此  
不可以行教化耶晚年設家塾講學從游之士於其  
舍旁築舍以就學知縣歸鴻賢令也欲舉爲孝廉辭  
之遂顏其齋曰浩然尙志齋年九十三卒

胡希賢字捐修好古力學爲諸生每慨時學之陋必求  
古人所爲學者安在嘗告其門人曰聖賢非有他異  
祇此不忍自棄之一念充之卽近矣生平規行矩步  
雖婦孺亦知敬之家素貧然歲時家祭不因貧而殺



禮雖盛暑燕居衣冠儼然對家人未嘗有惰容年六十卒

王多士字思皇幼而好學年十五陷闖賊營猶誦讀不輟尋以智脫歸益肆力于學精通古今事變講學以程朱爲宗學者師之以歲貢秉鐸莘野母病致官歸有洗心齋詩集行世子睿以明經入太學與其兄弟有嚴輩道義相規怡怡白首云

楊安辯字巽行本姓周氏祥符諸生寄籍華邑性至孝好古力學能讀父書父聖化康熙壬戌進士官陝西秦州知州戊寅西陲用兵飛輓軍儲聖化不能應累



帑罷官滯秦州端乃北赴燕趙南走關越方圖完帑  
卒不可得聖化歿于秦又十餘年辯始奉父旅櫬萃  
西華痛其父歿于患難歲時不受兒女拜賀終身衣  
冠用素杜門謝客不妄交游其文薈萃儒先不事雕  
飾讀書遇忠孝大節則舉以示其子姪遇後學必以  
先儒格語相勸勉晚年自號爲山主人大中丞疏荐  
博學宏詞以辭尋卒年六十有九學者稱爲山先  
生著述有瓢斟集襍著易說二卷隴西漫記一卷西  
華續志四卷子仲遠乾隆癸酉經魁

胡澗字激波生有異質九歲能屬文塾師奇之弱冠入



庠攻苦力學寒暑無間家貧膏火不繼燕薪讀書試  
必前列應舉不第歸而授徒以筆耕自贍晚年始貢  
入太學人爲扼腕滯處之恬如也與楊爲山張醇民  
張可庭善醇民疾革握手訣別以幼子爲託滯許焉  
於是醇民子遠覽爲山子仲遠皆受業于門訓誨如  
子姪二子學皆有成選貢成均淮寧錢廷文亦執經  
問奇字今以古學擅名皆滯之教也嘗率族人修譜  
以示後多所撰述卒年五十有八所著詩古文詞若  
千篇藏于家滯著其自號也學者亦以是稱之

義行

以上  
條



明李貫肥鄉縣儒學教諭李真子少孤善事母隱友之誼和睦宗族好施予永樂間歲大祲出粟千石振其隣里全活甚衆有司以聞授義官嘗權邑巡司奉公守職子蘭邑庠生有父風李氏至蘭五世同居內外雍容無間邃於理學執經從遊者甚衆所著有周易詳說雜文錄曾孫嘉謨任鞏昌府學教諭有文名李表貫之從子也事親純篤且敬其從父從母尤好周貧乏鄉黨疾病死喪必捐貲助之成化甲辰歲饑表出粟八百石濟荒民賴以生有司請于朝授義官後以疾卒本縣教諭王鵬訓導方玉撰文誌其墓

以上  
縣志



張調元性至孝少事父君愛唯謹入爲文華殿中書豐  
於貲里人嘗貸之久而盡焚其券庚辰歲大儉人相  
食平價賣粟千石多所全活鄰寇氛震知城不可守  
預與同志者絕河而北人服其先幾之哲焉

舊志

何宏正統五年邑大饑宏出麥千石以賑張貴亦出麥

八百斛助之全活甚多詔建義民二坊

府志

謝以慶萬歷間舉人筮仕虞城訓導捐金濟貧生典已  
田以行惠遷贊皇教諭時有生員路振飛家貧力學  
慶愛其才召至官舍爲之娶室教以行文之法振飛  
進士及第位列崇階贊皇傳爲美事其施德如此



王丈生字慧叔慷慨有氣節師事邑人胡然其師遇疾  
吳然子令章躬侍湯藥不去衣冠者九十日士人  
義之崇禎壬申水大發城不汲者三板歲侵饑殍相  
望于道生乃招商賈百艘並至穀價大平活者萬計  
辛巳五月大疫令章病於郭文生亦得疾忽報寇至  
舉家皆奔生力疾負章入城避寇獲免居常聞人爲  
善必曲成之不義則深惡痛絕以是爲不肖所詬厲  
然邑之士大夫無不慕其爲人與理鬯和並稱云

金楫字航生倜儻豁達揮金赴急瀝胆同人無倦色明  
季歲大侵傾篋與士庶人人虛往實歸待饘者肩摩



塞衢無不飢也以寇氛日熾發憤嘔血而卒寇陷西  
華廬舍盡毀惟楫室巋然獨存

國朝王經道農民也王者卿族兄明季喪亂者卿歿于疫  
子玉秀甫二歲妻張氏奉其姑以守邑中寇騎充斥  
不能安居經道與者卿僕賀成護其母妻幼子避難  
山東後復往扶溝安于張氏之母家十餘年玉秀歸  
里族衆思佔其產道挺身爭執還玉秀鄉黨以爲義  
賀成亦忠于其主當避難時置玉秀于筐肩負以行  
艱苦萬狀一日成覓遺物失後賊兵至張氏保其姑  
不及顧子棄于道旁叢草中賊去成追及詢其主母



主耳主存亦存主亡亦亡夫初主何避爲急避  
道得之始終保護以復其業玉秀旣壯感其義分已  
遂與經道並賀成以報之

肅學生李瑞字素培性磊落有遠識懼明季將亂乃預  
爲禦侮計罄產業半堅築磚寨一周厚積倉儲以爲  
一方藩蔽自崇禎十年歲比不登流寇蜂起民無寧  
手有赴寨避亂者瑞發積粟以食之男婦數千人賴  
以存活及闖逆破城瑞度不免因率親口數人掉舟  
入鎮江願隨者聽不願隨者諉之以寨與倉粟迨



定鼎始旋里安集離散以已田勸人開種檢拾遺骨  
厝埋感戴流涕者咸以恩德歲君尊之年七十六卒  
貢生候選州同李和春字太徵瑞之子也明季時瑞  
采寨避難比赴寨就食者千餘戶瑞皆留養春亦之  
方周以成父志後闖寇入城隨父之鎮江及

之鼎旋里歸養一室之上壽如也性慈良好施予  
初年人民相散縣之錢糧悉諉衿士催收至  
名係縣之中平戶錢通百金春屢催不納一  
夜半忽見數四小人環繞榻前以之不  
入院內見



三十而雙備葬其

也不面而回卽代甲完納并助

春於周口集小河

姓名春終弗道也康熙二十五年

行者他若濟人窳

捐銀千餘兩設板橋一座以

八十五而卒

國完人婚姻諸善事不可勝紀

張善治御史張善政從弟父疾三日不食治倉皇憂遽

亦不食篤于兄弟尤講敦睦之誼歲饑出粟煮粥活

者甚衆族黨德之流寇圍城治南郭有積糧五百石

恐其就食以火矢焚之賊遂解圍去又數年寇破華

居人盡逃治獨正襟危坐不去賊聞其名畏之不敢

加鋒及後避亂睢陽復移河朔賊平歸里年八十餘



卒以上採訪

邱文忠世業農誠朴好善康熙三十三年大饑施麵三百二十石又施義地瘞暴骸施棺施茶無虛日由黃土橋抵習陽城秋霖水漲車馬至是輒阻文忠併力修五石橋東西亘十五里悉培為長堤行旅便之忠歿歲漸傾圯子國慶承父前功出二百餘金修補如舊積善之家父子相繼云

參府志

庠生謝應乾好義康熙四十八年歲大饑餓殍相望于道乾出積粟三百斛召其鄰里族黨周之不索其償

鄰人黃姓兄子已出九十歲子乾年某與舊殆



之

高昌字麟生年二十食餼于庠名動諸生間生平敦敦  
讓重意氣與締交者弗渝車笠解衣問餉有俠士投  
贈風兄弟析箸時獨取荒頓朽敗者其仁讓篤實蓋  
天性也一日散步村外見一人臥田間迫視之血淋  
漓衣袂奄奄欲盡昌急呼僮人移入村內室中其人  
少蘇告以故始知爲某鄉趙某創賊刃者遣人馳報  
其家未至而傷者殞其父誣昌所害訟于官以其素  
封也昌曰奴輩利吾財耳苟梟獍訟成善尙可爲乎



吾所恃蒼蒼在上耳卒不與爭訟之數年邑令廉其誣爲之昭雪其鎮定如此以歲貢授虞城訓導病不赴任

以上採訪

武繼臣家貧石賈以養父母弟姪俱授之業有劉建極者祖父客死于華不克塋繼臣爲之塋埋而養劉姓弟兄二十餘年各爲授室其他率多類此年登毫臺特稱人瑞云

李國輔勇于行義雍正元年大水淹沒近城數村有南北溝一道久淤難洩輔與衆通之又以已田開東西溝四百餘步築堤亦患遂絕孫陵援例通判



子者四載每出售米穀量豐價減鄉人並稱其德

厚云

以上府志

金本澄好善喜施予貧民許之蘭子雍正九年歲荒無以自存鬻妻已授財妻號泣不忍遽去本澄惻然贈錢二千緡贖之許曰留此終為餓殍耳無益也澄收養三年許生一子又代蓄貲財若干使別居睢州人顧成耗其行商之貲且盡年老病痿澄之舊識遂給養歲餘顧死又具棺葬之邑令介錫齡旌曰好善可風



高鳴九字聞天性長厚刻意篤行以醫藥活人甚衆父  
永臻習岐黃鳴九弱冠卽以儒醫名承父業也九素  
無財產而施濟如不及遇貧乏需參耆者陰予之不  
取值與兄思九異爨爨所得醫貲輒助其乏姪天祥  
妻死九爲再娶生子讀書膏火出于九有無賴者覬  
覷恃酒持刀辱詈九門三日閉門不與校無賴者以  
醉傷股九出藥療之後無賴者死其父無衣九養之  
十餘年死則備棺塋之世九之傳者姪子冲漢中表  
姪王習孔皆紉依九以養撫育甚摯故習孔得小康  
而冲漢亦得以醫術自養云



年作幹庠生入太學性豪邁好義歲歉時紅蓮山有  
賴者高容草竊邑人患之幹授謀于邑并閭義如且  
助之直搗其穴殲其魁邵四忠乃息鄉黨借貸力不  
能償者幹卽焚券李氏族繁幹爲族長二十年爭論  
不平者是非曲直片言卽服姪完璧懷一歲未週撫  
之甚篤迄今猶承其餘蔭云

田粹珍好施與嘗立義學延師設教十餘年成就人才  
凡有可爲者慨然捐施邑人有田善人之稱

宋良佐好善修橋梁以便行人建廟以妥神明雍正八  
年邑中疫佐施棺以歛鄉里稱之



王季陽素樂善東門大路圯壞季陽獨力修之鄉里公  
舉善人雅大中丞旌之

王福佃民也與人同宿逆旅其人遺失十金福藏之懷  
中守而不去晨後其人倉皇急遽還尋遺金福與之  
不受謝

尹明祥爲人和厚喜排難解紛濟窮周急兄歿事嫂有  
禮撫孤甚周摯從弟族姪貧無葬具祥皆獨任之年  
九十五卒其妻崔氏亦有賢德年九十八卒士大夫  
稱其夫婦爲仁者之壽邑令介錫齡表其門子功定  
貢入太學



李文耀好施予遇貧乏者必與母共周之妻劉氏亦好  
善歲祿以紡績所餘八百金命子上林助賑當事題  
請建坊旌之子上林候選州同幼喪父遵母命樂善  
不倦設義塾課里中子弟乾隆四年水民乏食濟隣  
佃一百六戶每戶穀二石共散穀二百一十二石青  
種二百四十五石修佃民敗屋一百七十四間貸銀  
三百金全活貧民甚衆

續縣志

王克君家素貧一日途中見人遺錢若干卽與之乾隆  
八年歲祿鬻飯度日又拾金于道坐以待之少頃一  
人還覓甚急過其門克君詢其故其人答曰有娶妻



聘財一封失去克君與之毫無德色

生員李千李明昉季子深明經術兼通岐黃好施濟見義必勇張單口水決界連扶溝扶人以隣爲壑邑北之巨患也千與士民訴于官三年乃申請永禁以杜厥害又建義塾以訓士施藥餌以濟人種種善行邑人德之

賈國賓貧而好善募修思都崗石橋工價不足國賓鬚髮盡白鬻其地若干畝成工增石板今橋寬可渡車馬往來行人至今稱便

惠介惠直惠定兄弟同居六十餘年友于甚篤且相愛



等役後又勸之利韓彪者家貧親老無以養之錢粟以全其志歲荒時所買僕人王春劉立等豐年後各與之金令歸家養親永不再役其存仁厚皆天性也介孫紹周直子雪定子舒並承先志亦以北門內東偏宅基施爲義濟堂

高經元字洛生以邑庠貢太學性慈惠好周急族姪文貧不能自立元資以四十金爲經畫文虧金將鬻屋以償元沮之曰爾有此產尙不能謀生今更去之將何恃以自存且吾之金原以爲爾利今致爾鬻產是何



利爾者反爲爾害吾不願也取券焚之少與袁世彬  
爲友彬家業中落元歲時周卹之彬將徙他邑又贈  
之金杞縣人王成與元有舊寓華病故貧不能殮元  
慨然曰是吾事也助之衣棺以葬鄉里子弟貧乏者  
助其修脯膏火之需所成就甚衆邑令劉焜表其門  
乾隆十年卒

秦世賢家貧樂善修葺橋梁孔道所需土皆肩荷背負  
遠近稱爲秦善人杖頭挂竹篋收藏字紙朔望至小  
陶集夫子廟焚之灰必送沙水中先是夫子廟僅草  
堂三間世賢倡募易以磚瓦秉鐸王邠義其舉作



以勸邑令鄧尚友邑尉周彭年各捐俸助之由是  
民踴躍捐輸計費金三百餘兩而工成乾隆二年  
賢年逾八旬卒

李藍玉喜施予里黨有困苦者量力恤濟不計值亦不  
求報性嗜茶嘗自吟曰生當全盛大平日不減羲皇  
堯舜時七碗高歌容我傲寄形何必後人知

杜文萃善事父母尤好義族叔母王氏歿無棺萃助之  
歲祔外父母卒於三百里外萃備棺與歸以葬任醫  
學三十年貧不能醫藥者施之壽七十八而卒

以上採訪

劉世印華邑鄉人也仗信義好施與康熙年



歲大饑印出財粟以貸是鄉貧民咸賴以濟累券至  
五百餘金及歲豐鄉民感義願償其直印對衆曰爾  
等價直是仍無以自存也悉焚其券紳士公舉善行  
邑令歸公旌其額曰鄉里稱善

王擢增廣生年二十二妻李氏卒遺子豹龍撫養之終  
身不娶提學李化龍題其墓曰制義夫王擢之墓

張一龍字文見貌魁梧有大度口不言人過常行匿聞  
見竊木綿者引身避之其人來謝辭以未見周人婚

張惟恐不給施予之姓始終如一

以上  
府志



雲谷子

府志載雲谷子

不著姓氏未詳何許人携一僕駕短轡

車載書簾以隨遨遊海內幾六十年所至輒長徒講學丰格嚴重察其論議動止深自晦迹似宦達聖朝者如靖難補鍋流亞其出處顛末雖親密門人莫敢叩焉豪於飲酒後耳熱人或以言餽之輒亂以他語終莫知其所由來也初至豫訪輝縣孫奇逢于百泉講道有契奇逢敬禮之姓氏嘗屢易在輝以過姓未幾去陽武以李姓又未幾渡河而南抵西華以金姓主於邑人王斌煥家斌煥善士也度其不凡師事之一時學者異其人多從之游其學力追宋儒大暢厥



旨制行以實踐爲要嘗述其師顧憲成之言曰講學者貴講所學耳不必遠求行任坐臥食息語默皆有帝則然非存養省察無由入也居數年有一士類稱雲骨長子自秦來訪門人爲之請見乃大恚叱曰謬留三日夜半其子密至寢室長跼榻前泣請甚誠卒叱之不應其子大哭而去不復來歲戊寅九十餘矣遘疾許州門人王斌煥迎至西華凡四閱月病劇問所苦答曰吾身雖苦吾心安之一日謂其門人曰吾從此逝矣整衣冠危坐而卒門人卜葬于邑西北十里無黨城卽護當城刻石誌之所著述有大全子集大全



孫集二十餘卷于理學多所發明門人最著者王

煥而外則王元哲周頌輔梅聖修李象乾李作楨皆

砥節礪行不愧師訓按雲骨子隱華教授數十年舊志載流寓今改載隱逸

王履順字養拙為人倜儻權奇揮斥富貴讀書略觀大

意善為詩詞又不屑拈筆時而鼓琴自謂有金石聲

好登臨不衫不履往往遇於幽岩碧水月徑雪橋間

藏書甚奇秘不與俗人見有一二風雅士則傾囊倒

箚以示之居常杜門却掃每出不過橋東飲甚豪脫

帽揮中旁無四坐此隱而逸者邑人稱之曰王處士

理安和字賡唐鬯和從弟生數歲而孤從鬯和學鬯和



爲蘇州府推官安和隱居不仕先是李自成破西華  
得安和奇其貌曰秀才耶詭應之曰不識字賊使擊  
柝居數月賊使毀民禾安和擊柝若不聞賊怒拔刀  
加頸仍擊柝不已賊舍之其兄鬯和死虔州安和哭  
之曰嗚呼是固吾兄也夫急迎鬯和母于家事之如  
母鬯和子習以蘇州副將死于陣子省三才數歲安  
和教之成立授以田安和日閉門讀書不接世事友  
勸之應舉不答固勸之勃然作色曰爾以我讀書爲  
應舉耶裂其冠擲于地友驚走乃徐曰快哉吾今而  
後爲天地散人矣盡束其生平所讀書及手抄諸本



立石文拓本于室恒存殘書一卷手不暫釋視之  
則道德經也晚好養生家言著日記一卷性命圭旨  
解若干卷等字一卷弟貞和亦從鬯和學以文章氣  
節自負聲名蔚然卒于鄢有詩一卷以上採訪

文苑

害殷令名陳郡人手蹤為後代程式筆法精妙不減歐

虞

參述書賦注金石錄按唐書殷開山傳祖不害仕陳為司農卿又按歷代名畫記米芾跋令名頭陀寺碑云父開山也則開山乃不害之孫令名為不害曾孫無疑述書賦注以為不害子誤

殷聞禮字大端有文學書法妙過于父武德中為太子  
中書舍人趙王友兼侍讀宏文館學士修梁史未就



而卒參唐書本傳  
歷代名畫記

殷仲容聞禮子最知名官至申州刺史唐書本傳善篆隸題

署尤精張懷瓘書斷唐李嶠序殷仲容書貞元中陸長源

為汝州刺史以為仲文書絕代之寶也歐陽氏集古錄

殷台陳郡人書跡絕妙牛僧儒辛公神道碑

**明**金良甫參政勵孫睢州學政闕颺子明季世祿之家

鮮克由禮良甫鍵戶誦讀不窺園圃者二十年流寇

殘破家無可居良甫於郊外借隙地呀唔其間雅好

陶孟諸詩癖寐不置其詩真醇大雅無佻達詭異之

習河南巡撫魏憲為之傳記云



胡慥字伯儒工書法出入于趙吳興米襄陽兩家索書者全集幾如智永鉄限嘗與弟然吟弄花月所往還皆一時名士爲諸生四十餘年未嘗與人有毫髮競事母亦能曲體親心邑人稱之

劉景躍字躍如一字海鶴幼敏悟讀書輒數行下屬文如飄風驟雨不可遏抑早年入庠不專習舉子業以是屢躋雄才自放喜擊劍飲酒尤工詩集中送別懷人傷今感昔諸什激昂慷慨金石鏗鏘風格不減明季七子惜年甫三十而歿遺稿多散失邑人張遠覽與其友人扶溝杜廷機同邑周仲遠李百川校輯之



共得三十二首鐫以問世標之曰劉秀才詩集贈炙  
人口猶韓陵之片石云

國朝貢生周公孫字碩膚博聞強記工詩文下筆數千言  
立就所著有日紀錄

張文麟字楚生好學能文三餘不輟補博士弟子員見  
賞于前輩錢晉侯以無統袴習異于世俗子弟麟聞  
之益勵于學嘗與相者游相者曰君狀貌戍削精爽  
煙浮不免于三九之厄麟聞之甚惡其言果未三十  
而卒

張文麟字可庭讀書一日數行于言立就所爲詩古文



字浸浸入古以需次入部卒

字淳民生平多可不合于時嗜古力

古文詞沉思力索幽雋超邁卓然自異與邑中

楊安辭胡靜金鳳振諸人往來酬和主持騷雅

十餘年淮寧錢廷文博雅士也執弟子禮

云惜其兩中副車賁志以歿所著有陰符經註

經註抱影廬集子遠覽乾隆癸酉拔貢

張公喬字九徵幼聰敏工吟咏所著有誰庵寤言可屬

集桃菴集江南施益曾評曰鼎彝古處山嶽特立風



韻橫生天趣錯出裔由是名著學校士人推重之

採訪

胡文極字敬夫幼嗜詩書午夜呶唔不輟父以過勞令

少休文極遂默識心通以慰親意弱冠應童子試以

府縣試第一入庠旋食餼中辛卯科副榜惜年甫三

十而歿子光勲光美蜚聲黌序光煦丁卯科副貢出

繼子希聖辛酉科選拔義學掌教八年士多出於其

門淵源有自不愧家學云

採訪



西華縣志卷之九

文林郎知西華縣事宋 恂重修

列女志

孝婦節婦

烈婦淑媛

婦道主順亦主貞敬事舅姑割股療疾謂之孝婦得順之道夫歿撫孤栢舟矢志謂之節婦得貞之道至於時窮勢迫視死如歸迹其畢命強暴之時守志不污凜然猶有生氣貞烈尤足嘉焉其哭哭無倚青年殉夫者雖一時過激亦人情所難故類載一冊而各標著之以誌烈節遺芳不可埋沒淑媛亦得附載志

列女



孝婦

明石氏生員張民賢妻夫遠游未返姑牛得篤疾焚香  
籲天割股肉以進姑食之旋愈

朱氏適木工李文桂姑病貧不能致醫藥割股爲羹食  
之病立瘳

以上府志

國朝李氏李魁生妻姑卞氏疾篤醫藥罔效李禱于神割  
股進食于姑姑疾頓愈夫亡守節四十九年

呂氏年二十一歸馬國興馬亡無子撫繼嗣守節孝事  
其姑姑疾祈以身代姑不食氏懼甚潛割股肉烹而  
進曰此鷓鴣也味最佳請少嘗之著姑食之而愈



段氏儒士李國碩妻江南武平衛守備李明助孫  
亡撫孤守志國碩父患噎症甚危段密禱于天割左  
臂脯肉烹以進碩父啖之而瘳督學使者張考旌之  
其子李信遵母命爲善佃人王壤王瑜歿瑜妻龐氏  
及王氏孤子六人無以自存信卹其孤子皆成立

馬氏王勵志妻夫故守志養親姑臥疾二年氏與姪寇  
氏日夕奉起居不懈翁一日腹痛甚不止莫測所由  
氏嘗翁糞有柿氣知其傷于柿也延醫藥之而瘳

李氏年十九適王桂升未三月夫亡守節奉舅姑至孝  
舅建鼎病篤氏祝禱割股肉和羹進之建鼎食而愈



崔氏金學之妻夫故無子家貧奉舅姑姑疾艱食氏割  
左股爲羹姑食之疾頓瘳終不自言又數年舅姑歿  
賣遺庄爲夫弟娶妻氏依母家後以從子爲嗣撫養  
成立節孝兩全誠無愧云

李氏張美福妻姑疾思食肉不得氏割股作羹以進姑  
疾遂愈

以上  
採訪

烈婦

明楊氏適馬旺正德七年流賊陷城旺被執賊將殺之

楊直前奪刀罵賊夫婦同死

于氏荆倉妻柘城賊師尙詔寇西華于生子方一月被



執賊欲汚之不從殺懷中子并殺于氏神色不變

王氏適吳任賊亂僑居臨穎崇禎十四年城陷投井死

龔氏儒童張亨運妻罵賊而死

張氏儒童張元運妻崇禎八年運爲賊殺張被執不屈

罵賊而死知縣楊名標旌之

張氏適馮冬生子女各一崇禎九年賊過奪母城賊殺

冬欲犯其女張大罵賊怒殺張及其子女殆盡

李氏劉賜忠妻也賜忠遇賊不屈死李與姪婦馬氏憤

敵罵賊並遇害

劉氏儒童胡志學妻年五十餘守節已三十年矣城陷



赴城西南隅深水死

王氏崔瓚妻流賊破城赴深水死

胡氏丁妻城破赴城濠死

李氏適庠生穆止信闖賊破城家人出走李閉戶自經

劉氏崔氏生員徐映葵妻妾也闖賊殘破時葵居柳城

寨性醇厚有貲財土賊金高羨其富逼入賊黨葵不

從爭拷三日與金八百兩而逃劉傳聞夫被害氣噎

死妾崔撫一子一女艱苦度日金賊又欲強逼爲妾

崔乃以子女托僕徐伯榮送至夫所崔飲毒十二日

賊憐其貞烈使伯榮墓于寨西亂定城



之墓

牛氏生員應台女年十七闖賊陷城匿馬槽下搜出痛罵不已賊怒殺之

馬氏歸邑胥徐自新性莊淑精女紅夫病不起與氏永訣氏欲以身殉徐疑之氏遂縊以救得甦氏命匠大其棺新就窆縊柩旁家人又救之不死後數日送葬殊安閑防者稍疎縊園林而死如其言開棺同載焉邑人爲之太息方徐之死也邑大夫欲以一金助葬傳語之氏曰入公門乞一金我不爲也敬謝大夫其



貞白之操邈焉寡儔云

魏氏適儒士劉忠貞貞死無子魏年二十姑有兩歲子  
魏謂姑曰劉氏惟此一脉姑善視之我死矣夫殮衆  
乃哭魏自縊

段氏廩生李就實妻年五十餘流賊破城縊于空舍

王氏尹三晉妻徐氏三晉妾也三晉疾革王誓同死徐  
亦誓同死及卒治喪盡禮家人百計勸之二氏不爲  
動三十日奠於柩前至晚王自縊徐亦縊奉旨建坊  
于墓

張氏適何君仁素有志節君仁死茫然自失縊於臥室



附僕人吳岐山體歸家省親岐山自縊

此時作行草書詩成五七言體揮洒如飛

楚氏適儒童王鼎實實歿楚年二十飲藥死

朱氏庠生國薦女適范際韓夫死自縊

張氏王鼎鉉妻夫死張守志撫子子死撫姪姪又死遂

歸寧別其父母還夫家自縊

耿氏趙大成妻夫死氏飲鴆自殺

袁氏庠生王鼎升妻升故氏欲以死殉家人防之甚嚴

四月自縊



高烈女許字同開朱謚謚疾篤女知之食不下咽及歿訃音至同母趨吊悲痛欲絕將塋扶輦號泣誓不欲生中途母促之歸家人窺其意防閑甚密曰余連日過哀將欲稍息汝輩勿擾也衆散去女投繯而斃時年十七邑令旌之曰天生全璧巡按題請旌表

鄭氏女許字張修文未歸而修文卒鄭往吊拊柩大慟歸而自縊

沈氏凌霄漢妻處士沈烈女也初通詩書知大義動循禮法雲漢妻聞其賢聘之歸霄漢七載而漢歿氏

哀哭三日不起



於夫柩前禮畢呼其家人付家事語竟絕色然  
潛然曰吾已服毒矣家人欲進藥解焉氏却之曰余  
年幼無子不幸夫死且天下皆兵不如一死之爲愈  
少頃口鼻流血而死邑令劉伯驂旌其門曰氣作山  
河請建坊而明亡劉亦殉華邑之難遂不果霄漢弟  
儲訓妻蔚氏年十八夫亡以姪爲嗣守貞不渝

屠氏李呈秀繼妻劉氏秀之妾也秀娶屠卽以劉副之  
屠善遇劉劉亦敬事屠二氏甚相得共奉舅姑皆孝  
謹明崇禎庚辰舅歿喪祭如禮越明年六月姑疾甚  
二氏祈禱以身代不痊八月姑歿二氏哀毀憔悴殆



不能堪尋聞賊警二氏益以爲憂壬午三月七日闖  
賊兵薄城二氏相議曰事急矣不若先自引決無使  
夫有內顧憂謀未定而城陷賊如虎狼內外鼎沸須  
臾一賊至持刀索財物將引呈秀去二氏牽衣不捨  
賊怒擊之頭面皆盛出猶共以身蔽其夫將被刃忽  
有人叱之去賊散詢之則虜入賊營之舊僕楊秋輩  
也薄暮二氏以事勢危迫並肩投縲于密室秀往救  
屠已死劉復甦泣曰吾生非福也夜半獲屠于所居

室後卽與之



六月十一日賊至梓呈秀于河劉大罵奮身投河賊射之不死賊去秀復挽劉登岸歸舊廬劉夜剪髮一縷潛置秀衣中自縊死三日後面色如生蠅蚋不至土人哀之與呈秀瘞之寓廬下明年乘間載歸與屠合殯焉

國朝田氏蕭應芳妻年十九合卺僅七日應芳往粵西三年不返客死于粵田聞訃朝夕哀泣欲以死殉家人失防氏撞首殞命有司旌獎

馬氏郝林妻林染疾二載不愈馬知其不起誓必殉林



死馬隨縊邑令旌其門

王氏陳應選妻佃於高廷呂家年十八夫亡無棺泣告田主得棺以歛既葬促其翁具壺觴邀田主至出謝畢入戶自經死

李氏郭養惠妻夫歿之次日自經死有司旌獎

朱氏年十八歸金煥彰無翁姑娣姒貧止數椽彰以傭販自活閱半載而彰歿遂以所居售隣人得七金以五金營葬餘二金存售主家告之曰將他有用也五日葬夫畢謂隣婦曰禮夫喪三年余未能請以日代可乎越二十四日往祭墓襟土覆左僅半人罕知其



故者及暮哭聲寂然鄰婦往視已自經死矣衆遂以  
二金買棺與夫合葬焉事聞旌其閭曰烈照千古

王氏名遜貢生睿女胡本寧妻幼失母祖母育之長好  
讀書父訓以孝經小學毛詩四子書皆成誦每至古  
賢媛節烈輒掩卷而嘆慕其人曰處變者當如是祖  
母特愛之年十八歸本寧寧好學能文章王篝燈佐  
讀以古今節義相勗勉寧大母臥病有年舅姑侍疾  
凡內政皆王一身任之供事惟謹逾四載無子寧得  
疾且不起知其婦之欲以身殉也曰吾疾殆不可爲  
他日爲若立繼嗣不患無託也王曰吾固熟計之矣



君既無子吾何恃而守耶君勿言寧歿遂于次日自縊家人救之甦既葬夫歸省祖母尋辭去與祖母別徘徊不忍決者久之至夫家與姑言治家事甚悉姑寢乃櫛沐以縞帶自經於所居室中

劉氏李明珠妻李三暴恃強逼之堅拒不成羞憤自縊  
題請旌表入祠

胡奇妻張氏楊實強逼不從脇以刃氏奮怒大罵楊斫之破腦立死事聞旌表

以上府志

李氏歸生員何源宿流寇至華城破自度不免嚴粧杜門以待賊排闥入氏望而罵之脅以刃弗懼施以楚



毒愈不屈乃碎其骸而死

容氏生員樊學孔妻孔疾甚誓同死引刃自刺死而甦  
夫歿之二日縊而死巡撫以聞邑令李鳴鶴爲立石  
表之

陳氏劉德妻孔小昏夜入室假託劉德圖姦陳氏不從  
孔小逸出氏羞忿投繯殞命題請旌表

房氏徐二妮妻種劉海地畝二妮他出海向氏取斧乘  
間圖姦氏拒之二妮歸氏訴於夫遂白縊題請旌表  
劉氏年十八歸孔繼榮爲室孝奉孀姑家止薄田數十  
畝氏令多種木棉晝夜紡績量入爲出繼榮歿氏立



志殉夫家人防之一日防者稍疎氏縊于柩旁

彰善錄

田氏舉人李練妻練隨父大紳爲周王守汧城李自成  
決水灌城練溺死越數日救者載練屍至田見練死  
遂投井以殉合葬于女媧城之西南

李氏周若魯妻魯亡李自刎死邑令李旌之

陳氏皮如粲妻粲客死所負宿逋氏爲代償氏兄陳東  
欲令改適貢生張本玉氏卽縊死鄉黨憐之

張氏舉人張文桂女生員王均妻通書史能詩歌每有  
詩稿輒自焚之歸均後事祖姑甚謹均歿張往省母

母曰女與母訣母曰女與母訣母曰女與母訣母曰女與母訣



必不可死有必死而後生者不可死否則必死  
母無以應遂不食三日死

劉勤妻支氏夫疾革以死自誓夫亡家人防護之乘間  
投繯而死

楊氏王之侯妻氏年二十侯死越七日縊于空舍

于氏王郭繼室郭故氏經營喪葬畢自縊有子敏政

高氏朱妻生員高鼎鉉女夫亡七日不食死以上採訪

### 節婦

凌氏適馬振夫亡遺腹生子舅姑欲嫁之誓死不二辛

苦紡績奉其舅姑兼以孝聞



李氏馬選妻流賊陷城選死于賊遺腹生一子重高父母  
憐其少將嫁之氏指子曰吾不忍使其呼他人父  
否則母子同盡耳母者慷慨然年八十終

田氏適張紹武夫死子九容甫二齡遺腹又生九鶴守  
節撫子奉養舅姑甚孝二子成立

馬氏王奉妻奉年二十五子瑞在襁褓門戶伶仃  
備極艱苦年六十五終瑞廬墓三年

李氏適杜皓年十九夫亡遺子一齡孤弱守節遭歲凶  
艱辛萬狀不以其年七十餘終

郭氏歸葉國年十八夫卒遺子一齡孤弱守節遭歲凶  
艱辛萬狀不以其年七十餘終



剪髮毀容以誓苦節五十餘年

凌氏張希顏妻年二十七顏卒紡績度日遇凶荒併日而食人所不堪冰搯愈勵

李氏適馬朋夫卒家貧守節撫子進忠成立

朱氏李孟繼室年十四歸孟孟卒遺三子二女秉貞守志兼有外侮艱迫異常人稱其苦節年九十三

蔡氏王珠妻甫嫁而珠死父母勸改適不從事舅姑能孝撫子慶成人子亡撫孫又亡邑人傷之

謝氏適庠生龔朝朝卒撫孤子應龍以事舅姑遇荒歉脫簪珥勤紡績家業不廢苦節四十餘年建坊旌表



蔡氏適王克勤勤死蔡年十九守志撫子字民成立鄉試中式蔡年七十終

李氏舉人王字民妻字民早年登科不治生產卒之日家徒四壁李年二十四形影相弔白首完節

郝氏適杜九州州卒郝撫二子既長家業爲子蕩盡已而皆死郝織紡度日歲凶鶉衣藿食苦節五十餘年朱氏例授通判李樹德妻氏年十八夫故遺腹得男亦殤氏請于姑以姪爲嗣守節二十餘年

王氏胡可福妻夫亡氏奉繼如撫孤子成立矢志不渝



曾孫及撫曾孫而年已暮矣曾孫  
以孝聞巡按上其事于朝奉勅旨云琴瑟中乖真等  
參中之習苦天桃半萎猶如寡鵠之含悲准照例建  
坊

于氏適王士衡年二十二夫歿家貧紡績撫二子事舅  
姑子國賢國英並入庠

劉氏趙化愚妻愚卒劉年二十遺子日章甫一歲撫之  
成立年七十餘

李氏適王撫世夫卒李曰吾名門女不可以辱祖先守  
義終身嫻於女工尤習姆訓娣姒皆師事之



周氏柳大盈妻夫歿無子坐臥一樓不復出戶惟歲時祭掃哭奠盈墓年七十餘終

朱氏適齊登雲苦節三十年奉勅立坊

王氏李汝諧妻諧卒氏孀居六十餘載壽百有二歲邑令龔旌之曰大年冰節

杜氏適王鳴世鳴世卒有三子宗族鄉黨欺之杜含忍課子讀書子鼎建鼎升皆入庠鼎鎮成進士官至江南驛傳道杜誥封安人年八十二

張氏鴻臚寺序班杜齊斗妻年二十夫歿無子或勸之改適張以死自誓年五十守節不渝



賀氏諸生大策女適庠生陳大治大治卒子在襁褓  
守志撫之出就外傅弱冠入泮

馬氏袁尙仁妻夫早喪姑八旬事羣皆盡禮無出撫  
子懋官懋賞成立賞孳孳爲善歲祿散粟濟其族  
甚衆各憲旌其門

劉氏張問政妻政卒劉撫其三子慈嚴並至長鳳翼次  
鳳翽俱登賢書季鳳翥入庠

索氏尹自新妻年二十八夫歿嫠居四十餘年

李氏四節婦者故朝列大夫李伯華繼妻許氏與其妾

杜氏沈氏張氏也伯華初尙明宗室徽簡王郡主家



頗饒裕郡主歿無子許與三妾歸伯華凡生子四伯  
華故四氏將以身殉許以夫死子幼宗族强悍徒死  
無益不若誓守保孤三妾唯唯是時許年二十杜沈  
年二十一張年十九同志守貞有族人謀其家貲議  
欲盡嫁焉許聞之哭于夫柩前謀所以禦之乃具禮  
肴使人給族衆曰若等憐吾輩年少欲令改適甚善  
顧孤子不可無依願出家財奉族衆以託遺孤受此  
任者飲吾輩一杯酒族衆大喜畢至許氏伏器械於  
內俟族人入卽闔門率三妾暨婢婦之壯健者各持  
械指族中之最桀黠者皆孺子之幾斃餘衆倉皇出門



門閤不得出踰垣走許氏之戚又以情事聞於令令  
怒拘其人盡撻之族衆震懾不敢動四婦乃安諸孤  
亦無恙旣壯始塋伯華子向日貢入太學孫養元應  
元呈秀等皆成立許與三妾並以壽終守節各五十  
餘年

李氏李國相妻 王氏袁龍妻 翟氏李作範妻

常氏許伯珠妻 王氏李氏例貢馬寧妻妾

張氏楊梅妻 張氏范儒妻 衛氏柳伯擎妻

李氏馬進昇妻 宋氏耿伯庫妻 陳氏李浴妻

楊氏黃志妻 韓氏張君寵妻 朱氏王時正妻



甘氏蘇廷漢妻 劉氏王必可妻 李氏趙應極妻

牛氏關儒妻 張氏宋蒲澄妻 田氏袁邦臣妻

楊氏任光遠妻 劉氏高汝岐妻

以上舊志續  
縣志節婦

國朝于氏庠生胡緒虞妻夫歿勵節事姑姑哭子喪明曲

盡孝養年七十四終旌表入祠

紀氏增廣生金相鼎妻年二十二事姑孝謹生子軼羣

甫三歲鼎疾篤氏願以身殉鼎泣曰死易耳奈老親

藐孤何願子爲其難者旣歿紀率兩叔姪仰事俯育

未幾兩叔相繼亡婦祁氏張氏皆無出共矢冰蘖同

撫軼羣成立有七子以二子分繼其嗣並蒙旌表



陳氏曰：作... 曰：璞妻。教子...  
曰：瑚。年十六，卽有聲。父未幾，兄弟繼歿。瑚妻亦  
逝。各有三子。璞妻，年二十四，矢志撫之。朱耄，年病  
臥床，第二、三十餘載，凌事之極。孝教其子士介、士昌、昌  
以廩庠貢太學。介妻屈氏，年二十，夫亡，勺水不入口。  
累日，旣而曰：姑不負太姑，我獨可負姑乎？乃矢志。  
藁表。

劉璘妻王氏，珩妻朱氏，琪妻馮氏，娣姒也。三婦皆賢。璘  
弟兄不祿，獨琪有子如山，僅五月三婦矢志共撫之。  
王事舅姑，守志三十四年。及歿，舅姑尙無恙。二姒繼。



之事墓盡禮馮守節三十餘年亦歿及旌表入祠惟  
朱尙存

張氏庠生高雲九繼室生子天樞前妻姚遺子天中並  
鞠育之姑素愛季子際九夫婦蚤世遺孤天衢非乳  
不能生姑晝夜泣不食張曰無憂也天中冢嗣天衢  
亦叔冢嗣不可棄願置樞乳衢姑曰棄一全一吾不  
忍爲乃同乳之皆成立舅姑好施予張承先德二十  
年弗替後天樞妻呂氏于歸甫一載樞歿呂慟絕他  
日歸寧或以其幼而無子微試之呂憤然曰吾不卽  
死者以姑老缺奉養耳豈效禽獸行乎姑疾甚祈以



身代誓願寧衣不爐不扇姑遂瘳天衢妻死孤幼氏  
請于姑曰昔叔賴吾姑有今日婦獨不克踵往事耶  
姑喜曰是再造高氏也由是鞠養其孤婚嫁悉出于  
氏有司旌其明曰雙節濟美

王氏鴻臚序班胡承虞妻戶部侍郎遵訓女也胡雖舊  
族時值中落躬親井臼以事舅姑孝養盡禮承虞歿  
冰搯甚厲仲子本厚早歿課長子本深入庠卒年七  
十三歲守節四十三年

畢氏趙文質妻事繼母繼姑皆孝謹年二十八夫亡矢  
志奉姑教子以義尤能恤患周急族孫婦陳少寡子



幼無以自存出篋養之二十年弗倦陳以節著其好  
善如此子允卓遇歲飢出粟以賑善承母志云

呂氏胡希虞妻夫亡守貞撫孤舜臣成立娶張氏數載  
舜臣又歿姑媳大慟幾絕張泣慰姑曰婦有遺腹倘  
天鑒姑苦節幸生男願茹荼奉姑以撫之閱四月果  
生男桓氏朝夕奉姑姑享耄耄子亦成立

高氏朱廷擢妻甫生子夫歿高事親撫孤貞節三十年  
學使潘旌其門

何友德妻歸三載夫卒撫遺腹子繼宗苦節三十  
七年學使鄒旌曰節孝



十五歲而卒印死舅姑亦相繼歿撫三歲孤述祖  
苦節二十餘年述祖又歿與婦孫氏共撫幼孫又二  
十餘年完節而終孫氏亦踵前徽云

章氏歸張洙姑染沉疾瘖臥不能起章默察動靜以時  
其寒暄二載姑歿未幾洙亦亡撫孤鵬萬苦節持家  
洙從弟本妻凌氏與姒同時歸姑病盲廢疾劇氏泣  
訴于天願以身代姑病遂瘖

王氏張文運妻夫亡矢志守貞祖姑失明晨昏扶掖不  
離側後家道中落歲復稔拮据紡紆以奉舅姑舅邁



疾爲長齋祈禱舅姑歿喪塋如禮貞節數十年里人  
賢之

宋氏胡時成妻歸五月而夫亡無子零丁孤苦守節二  
十餘年而終學使張旌曰貞搢繼美

閻氏金元祁妻歸三載夫亡遺孤彌月奉親撫孤守節  
二十四年而終

徐氏李洵妻夫亡奉侍舅姑舅姑歿喪塋盡禮子杲補  
邑庠守節三十六年旌表

張氏高國璽妻夫歿奉侍舅姑織紵所獲金盡與伯氏

在甘旨守貞四十年旌表



其志不可乃凌轢之愈不可謀既至一日發其棺  
羅之塗次授聘者衆強扶以去出袖中刃撈面血被  
體衆散劉逸去匿于叢柴中七日夜餓將死主人覺  
之送其弟劉元家遂終身焉

王氏商存妻歸六年而寡女四歲遺腹得男家貧甚煎  
硝紡棉以自活姑死伯兄以氏嫠而貧棺歛獨任之  
氏曰我亦子婦也獨能忍乎及墓共挽廣柳哭泣之  
哀途人爲之流涕未幾氏歿子繼亡唯一女尚在  
李氏袁調妻歸五載夫故有子僅晬撫孤再週孤又殤



三縊不死復自刃又不死翁姑臨視慟極以首觸地  
李泣曰是重未亡人罪也乃侍養翁姑甚謹撫嗣子  
爾庚及長授室氏年六十三完貞而終

呂氏劉伸妻歸八年而夫故茹荼飲藥以代子職教子  
成立食餼于庠學使張表其閭曰節孝維風

汪氏方俊民妻以歲飢自幼歸于方未合卺而俊民故  
氏年二十四父欲令改適氏奔告當事給扁旌之以  
其苦節五十餘年



胡氏汪有智妻方娠夫病  
育之少長聽汝去耳胡泣  
曰是何言也斷髮置夫前  
苟負君視此髮未幾生子  
灰中暫喜曰是燼而復燃  
也名曰灰及夕遂歿氏撫  
孤子易名元士子以疫死  
又撫孫十年完節而終

尹氏胡聞桃母夫亡上事八旬老姑下撫兩週弱息節  
孝兩全子亦成名學使張以搯凜金石旌之

馮氏歸趙德任六載夫亡撫其子女堅苦自勵歷三十  
餘年從子婦曹氏歸趙栗歲再周夫亡子幼奉親撫  
孤年二十四姑歿子亦適有嫗諷改節氏不從守節



亦三十年邑令歸兩旌之

陳氏趙宗聖妻家貧歲荒大以飢死子數歲不能自存  
或諷他適氏大慟拒之并族祖母畢氏告以故畢曰  
汝志云何曰有死而已所遲留者存趙氏一綫耳畢  
曰是也然亦無難出白金若干布粟若干助之由是  
勵節三十餘年子亦成立

宋氏吳有柱妻夫亡遺孤一歲家甚窶竭力織紵爲事  
親撫孤計子自立娶崔氏立又亡姑婦焚焚相依兩  
世完貞邑令歸旌曰

金氏王星佩妻生子

三子皆成無遺孤



其相繼死復無遺孫

其子無可謀生乃依母

何氏蘇其德妻舅姑早世

至東殷氏偶歸寧得遺

家其兄登瀛爲其子處

遺之而不得其人乃購施

金十兩盡付兄瀛訪失士

陰隲文證註又製藥施疾

李氏劉一麟妻夫歿事翁姑

撫孤子二人成立守節五

十九年旌表

朱氏周長發妻年二十六夫

歿無子亦無兄弟舅姑無

可繼之嗣朱乃典衣破產

代置側室舉二子方在孩

穉舅姑皆歿所生母亦亡

朱以紡績資覓乳育之成

西華縣志



立生子爲夫置後年八十一終旌表入祠

劉氏李茹芳妻夫歿奉事舅姑晨昏盡禮訓子孫內外  
長幼秩然有禮法邑令歸旌其間曰母儀懿範

李氏袁琢妻七載夫亡事孀姑撫幼叔志潔守貞邑令  
歸旌曰筠搢彌芳

劉氏趙仰恩妻夫亡子幼矢志守節奉姑喪葬如禮邑  
令歸旌曰淑德流芳

王氏張師說妻喪夫時舅瞽姑老臥床子女在襁褓家  
貧歲祲氏紡紆以供菽水貞迄于耄年子壽入庠

金氏杜曾妻夫故守志事翁姑撫嗣子邑令劉旌曰節



孝培風

王氏汪誠弟妻夫歿誓守貞節事姑撫孤邑令岑旌曰

節峻孝純

以上府志

張氏王者卿妻二十一歲夫歿姑六旬有餘子玉秀在襁褓明季寇至華邑太守氏扶姑負子與伯氏經道義僕賀成避難山東中途遇寇幾不保其子事見賀成傳氏後歸母家十餘年亂定携子復業嗣是子孫衆多皆氏苦節所致云

李氏武崇朴妻容氏武崇雅妻娣姒也明季之亂以不降見殺二氏奉姑撫孤各以節壽終邑令旌獎



李氏胡本厚妻歸四載而夫故奉事孀姑先意承志夫  
妹將于歸鏡奩不具姑爲之廢寢食氏輸已奩具以  
助伯氏本深應試無費氏以織紡所蓄金資之氏守  
貞矢志尤達大體冰蘖四十餘年姑婦後先比德云  
張氏進士張圻隆女孫生員張文麟女也年十五歸扶  
溝貢生杜佺佺卒無子將以死殉旣而曰翁方官孟  
津夫未立嗣不可死又數年翁致仕始以夫弟之子  
爲佺後氏五十三歲卒守節二十六年

李氏李成才妻歸一載夫故遺腹得男魁生下矢志撫  
之家貧紡績爲生善事姑喪葬盡禮



貧而無子病故  
七歲卒守節七十年子魁生早亡妻李氏立志守節  
割股奉姑已見孝婦傳

陳氏年十九歸于李漢堯姑早歿有翁在堂八載夫故  
氏每慟卽仆地翁亦哭之氣幾絕氏不敢再哭以老  
年宜自愛慰翁翁年七十餘家故貧氏日夕紡績以  
供菽水翁歿葬以禮撫子成立距夫歿十六年而終  
張氏黃儉妻儉故遺腹生子士忠氏奉事舅姑撫孤矢  
志氏八十三歲卒守節六十一年孫黃銓入太學

劉氏年十六適儒士王念壹夫病革欲以死殉夫屬其



事親撫弟爲重遂不死姑以哭子喪明手足痿痺不能衣食劉奉侍周至如是者二十餘年撫夫弟成立爲之授室娶復無子又爲之娶妾舉二子焉以一子爲己嗣八十八歲卒守節七十二年

金氏朱尙文妻子歸甫半載夫故遺腹生子家貧以婦工奉其舅姑兩親歿竭力盡喪葬禮屢遭凶荒身無完衣竟日枵腹伶仃撫孤以延夫祀守節三十二年五十八歲卒

郭氏二十三歲歸趙景姑患癰疾郭晝夜侍姑不離側景得疾一載餘病篤不能言以手撫心且指氏似



有所囑氏慰之曰今有遺腹幸而生男必竭力奉養以撫孤誓不爲他人婦夫卒姑慟絕郭勸慰節哀強飯越十日果生男教育成立卒年五十九守節三十年

金氏王著妻年二十八著亡妾程氏生子之幹甫一歲程亡金育之如已出有謀其產者矚室與戎累年不絕金急携幹歸母家避之十年後鳴之于宮乃復其業由是家計日促飲水茹蘗而終洵苦節也

王氏戶部侍郎王遵訓孫女張文桂妻也年十六歸張姑已前歿祖姑與翁在堂王以孫婦代姑以子婦奉



舅竭誠盡禮不愧名門桂中癸酉舉人王以古人相  
勗勉益勵于學未幾桂卒王哀毀以首觸棺流血被  
面志不欲生翁以奉親撫孤諭之王始知任大責重  
遂不死課其子華年十四人庠兩中副車鬱鬱不得  
志以歿王又撫二孤孫成立守節四十九年以壽終  
學使張旌曰名門貞婦邑令宋表其墓曰正氣獨結  
錢氏生員張文麟妻麟疾革顧錢以老母幼女爲託泣  
下霑襟錢諾之奉姑孝謹克代子職又謀之族親以  
錦爲嗣撫嗣成立入太學年六十餘卒守節三十餘  
年女適扶溝貢生杜佺佺早歿亦以節著



王氏張文運妻夫故廢食將殉其夫祖姑以奉養勉之  
王遂勤苦搯作事其祖姑與翁晨夕不懈撫弟育孤  
竭瘁心力歲祲市甘旨以奉其親自奉則一日兩糜  
而已祖姑歿翁繼逝王營葬盡禮焉復爲夫弟授室  
婚其三子長子岫列鬻序守節四十餘年卒

張氏郡庠生張可傳之女也性貞孝幼習閨儀年二十  
適儒士趙允貞克諧以敬相見如賓事翁姑尤孝謹  
兄嫂無間言及姑病婦晝夜不離寢側姑甚憐之謂  
曰汝倦矣盍少息婦唯諾而勤事如初退謂夫貞曰  
母病猶惜吾勞吾自不覺也吾懼汝亦病而侍奉彌



頓耳是時姑病甚而夫貞病亦甚婦親侍藥餌七十餘日不暇櫛沐及姑歿而夫亦繼以歿婦哀毀摧傷誓欲絕飲食以徇因兄嫂力勗以翁老在堂無重貽之戚時翁年近七旬矣婦悲咽而止自婦適貞子女無所出夫歿時僅年二十七歲翁更憐之謂曰汝兄嫂尚未有子惟汝子立盍覓一義子以慰朝夕婦泣謝曰兄嫂孝友將必有子異姓子難養無以爲也又十年翁有疾弗愈婦焚香乞禱以身代其勤事復如姑迨翁故婦視兄嫂加敬且時時祝兄嫂生子以續夫嗣躬勤紡績以治家後兄嫂果有子名宗魯甫三



歲婦取撫育以養以教而卒於歲立室家克  
基業享年六十有四歲而卒

孟氏侯鼎璽妻氏年十九適侯時夫疾已痼未行合卺  
之禮奉事周至一年而璽亡矢志堅貞克執婦道舅  
姑憐其節以次子鼎銘遺孤可大繼氏爲嗣氏撫之  
如所生允熊課讀可大入庠康熙己卯領鄉薦官永  
年知縣孫少連步連惠連並入黌序皆孟所成就壽  
至耄耄守節六十餘年

丁氏貢生王璵妻三載璵故丁撫子廷選以奉六旬之  
姑子入太學丁於雍正九年卒守節五十年臨終乃



曰吾事畢矣邑令歸旌之

朱氏適朱顯承未期年而夫故氏奉事翁姑撫遺腹子  
國相成立壽至七十守節五十年

袁氏高思道妻二十四歲夫故家業蕭條紡績自贍撫  
子棟入庠守節二十八年卒

張氏王光房妻房故氏年十九矢志不渝卒年八十二

守節五十二年次子靠繼娶于氏夫故曰綸或烈

金氏適于蘊璫二十五歲夫故遺孤銳甫三歲舅姑年

甚氏既少侍養一衣一食非手治不進舅姑歿營葬

氏既少侍養一衣一食非手治不進舅姑歿營葬



何淑貞妻二十四歲夫亡撫子鵬舉成立學業  
民生泰早亦亡姑婦共矢貞志以撫泰旣長入太學  
于氏守節四十年卒楊守節二十年卒學使林旌曰  
蕭規芳儀

屈氏邑人屈擢之女謝際貞妻也歸謝三載生子簡書  
越三月夫爲犬所傷而亡氏奉翁姑至謹歿後喪葬  
哀毀踰禮年五十七卒守節三十四年

石氏王碧妻二十二歲夫疾不起臨終謂石曰吾上有  
父母中有幼弟下有幼子家道貧爾爲吾任之勿貽



泉下憂氏曰吾必從君言遂指天地爲誓夫歿氏造  
蒸食等物售之以奉養一日風雨驟至屋敗乃棄驢  
易金葺屋氏自挽磨爲衣食計里黨憐其苦節盛稱  
之年六十五卒守節四十餘年

寇氏歸王文志二十一歲夫故生子甫六月撫孤矢節  
奉事翁姑好施與歲荒出粟以助隣里貧乏有求無  
弗與者子中堂名列膠庠守志五十餘年而終夫弟  
之妻馬氏與寇同矢志貞志以奉其親守節數十年而  
終一門雙節相輝映焉馬載孝婦傳

氏王懷月妻二十三歲夫亡生子甫一歲堅貞



馮以已財爲娶側室年二十四其親之守節五十年而終

王民生員王公翰妻年二十六翰疾篤語氏曰吾疾不可瘳矣雖無子嗣尙有二親當孝養以終吾志弟有子可爲嗣氏誓守奉親泣而從命夫歿養親立繼公翰弟者翰妻張氏年二十四夫亡止生一子與伯姒爲嗣共撫育之幼孤成立二氏爲之各娶一妻以延伯仲嗣舅先歿姑老疾甚二氏焚香祈代姑死喪墓無失禮焉王氏守節三十六年卒張氏亦守節三十



八年

李氏王維新妻年十九夫歿子僅數月翁姑憐之氏曰  
以死殉夫義也守一而終亦義也願撫幼孤以慰亡  
人於地下且二親在堂婦代子職亡人雖死無憾翁  
姑益重之嗣是生事塋祭不愆於禮子亦成立守節  
五十餘年以壽終

牛氏適徐子璠年二十二夫故矢志撫孤卒年八十有  
四守節六十餘年邑令歸旌曰節勁松筠

李氏生員李作楨女明季殉難理鬯和侄孫女也年十

七適儒童王向哲二載而夫逝無子以族子星爲嗣



董既長妻婦霍氏閱二歲星亡遺子科秀氏與星

霍氏同守撫孤未幾霍與科秀相繼歿無子又取族人良甫子爲嗣與科秀妻李氏同守撫其曾孫氏年七十九歲歷節五十餘年乾隆十五年建坊旌表

惠氏生員李作楨繼室親搯井臼以奉舅姑乳哺其姪撫養甚周賢孝素著以無子爲作楨置妾馮氏生子完璧而作楨歿氏與妾馮同守四十餘年卒年八十有二馮亦樂善好施修補橋梁施茶解渴爲善惟恐不及年七十九卒二子入太學四孫並入邑庠

周氏凌作聖妻年十八歸凌二十夫亡無子翁姑憐其



幼欲遣還母家氏以死誓立姪爲嗣翁姑衰老氏禱  
于神恒素食以祈親壽卒年七十有七守節五十七  
年學使張旌之

姜氏年十九適宋紳閱六歲紳亡奉親撫子矢志守貞  
舅旣歿姑復患痿症兩目失明氏飲食寢處以奉其  
姑者一紀二茲姑歿喪葬成禮子亦成立守節五十  
年卒年七十有五

謝氏張公智妻張素貧翁姑在堂一日二鬴常不給又  
三年智死遺子甫三月氏撫之以事翁姑翁以家業  
貧甚勸他適氏不從翁姑復甲前詭氏守



盛堅妻...卒姑...  
欲事姑誓死無二又數年姑疾篤執手與訣...  
子爲氏立後姑遂歿喪葬之費竭所有...營之生...  
大困宗黨或周之辭不受母有所遺斯受之其不...  
如此爲嗣子授室而卒守節三十餘年

劉氏生員金續祖妻劉年二十七夫歿遺孤霞錦四歲  
家苦無養依母氏于鄢陵守節課子五十年八十二  
歲卒

楊氏邑庠生金映斗妻氏年二十五歲斗亡無子以弟  
之子爲嗣撫養成立授以漢產守節二十八年而歿



李氏商水舉人李楫女聊城知縣金士淳之子樹烈妻  
也烈亡李年二十一子煥道甫甌撫孤事親心力甚  
悴翁卒于官家業破敗艱難萬狀日以詩書勗其子  
曰繩祖武者惟汝是賴煥道入泌陽縣庠早死未遂  
其志守節三十二年而終

蕭氏南廣總兵蕭九有女候選州同子蘊琳妻歸七載  
蘊琳歿氏年二十六歲矢志堅貞上事舅姑下撫幼  
子營喪葬課職業守節五十年以壽終邑令徐旌曰  
栢舟令範後子銓任興武衛領運千總

明氏本名安歸七



旌曰節婦松翁

李氏歸金掌璽年二十二夫亡祖翁姑與翁姑俱在堂  
無恙長子六齡遺腹又生男氏以一身事四老下  
撫二幼守節三十二年邑令宋旌曰壺德可風

姜氏張金科妻年二十夫病革氏欲同盡夫以老親幼  
弟爲囑矢志不渝越數年夫弟又亡止遺一子與  
叔姒李並撫孤以奉親姑年及八旬飲食嗜好曲體  
之守節三十四年

何氏詹曰璉妻夫死氏三十餘年足不踰閭舅姑無子



勸娶妾媵生子曰璜曰璠舅歿氏與姑撫養之長而授室姑年九十奉養尤誠歷節五十餘年

楊氏適李述夏夏死氏於是日卽縊空庭家人救之甦未幾遺腹生子撫孤守節五十餘年學使張旌曰名同令女

孫氏李大經妻夫亡子幼氏守志四十餘年學使張旌之

李氏適王宏義義病且危氏割股以進食病愈又數月而亡守節二十餘年

李氏適王宏義義病且危氏割股以進食病愈又數月而亡守節二十餘年



惡奉姑甚謹姑喪明氏左右扶護又數載叔嫂李氏亦失明氏一身獨搯井臼撫幼叔紀與子賈成立並入邑庠年五十二歲守節已三十年

王氏李天柱妻年十六適李二載夫故矢志奉姑姑疾誓願祈禱守節五十三年邑令歸旌曰松筠貞搯

司氏周士俊妻二十六歲夫亡奉其舅姑撫二子守志有欲奪其志者氏以死自矢議遂息析爨時田園作養老資氏止居敗屋數椽母家爲之周急後復遇水漂沒其廬氏栖止處僅餘半間紡績度日課二子耕讀各守其業氏年六十有九苦節勵志鄉黨稱之



史氏儒士李成教妻二十三歲夫故氏舉一子家貧幾不自給翁姑勸令改適氏守益堅姑歿翁亦衰邁氏典衣售紉爲具壽棺翁亡盡哀盡禮氏年七十餘學使林旌其閭曰冰蘖明心

李氏郭瓚妻歸三載而瓚歿瓚兄郭玳妻劉氏歸五載而玳亦歿李無子劉以次子叢芝承李後芝年弱冠娶妻張氏夫婦俱亡遺子長安甫匝月李撫養之及長爲娶栗氏安又亡無子李氏與孫婦栗氏伶仃孤苦殆不欲生劉曰吾長子元升入庠其子新安已有子倘再有所出必繼栗氏後無憂滅絕也劉李相



侯守志奉其舅姑生養死葬克盡婦道二氏之節李氏所遇尤屯學使張旌曰一門雙節劉年七十有八守節五十一年李七十有六守節五十五年

李氏郭建侯妻建侯病篤謂氏曰上有父母終鮮兄弟爾爲我善事之速爲父置妾當有弟弟生子卽爲吾嗣無忘吾言建侯歿遵其遺囑謀之近族服親爲翁娶妾薄氏四年無子又爲再娶妾王氏十年亦無子氏請于翁姑以再從子中玉爲嗣維時二親年皆耄耄氏稟翁姑曰後二妾當何如翁姑曰老人身後當出二妾及翁姑病危又請命則曰當留二妾翁姑相



繼歿氏謀嫁二妾有言遺命不可違者氏曰命出妾者治命也命留妾者亂命也吾從其治命于是善遣之使各得所而去氏年七十餘守節已五十年

牛氏歸王之化化疾甚囑氏養母遂歿氏年二十二守貞奉姑無子可繼姑命撫養其甥守節已四十餘年王氏張金印妻年十八適張未五月夫故舅姑喪子並得狂疾氏以孫婦奉祖姑生事死葬無失禮焉舅姑歿堂伯張靜修憫其無依與之宅以安其居氏請之

宗族以金相爲舅姑嗣苦節終身

無忝焉

袁氏歸張所浩年十九浩歿子甫一齡撫子事翁姑



一婦如妻... 數年翁歿守節... 四年  
許氏李中行妻年十九歸李越六載夫故家貧無棺氏  
典衣以歛葬畢氏經于室家人改之不死翁痛哭  
勉之氏守貞紡績以爲翁衣食計翁歿割所居宅基  
之半爲墓費又數年以仲氏子大才繼後爲之授室  
李氏生二子未幾大才亦亡率其婦矢志撫孤二孫  
成立五十餘年貞節如一日云

王氏歸張振國越十年夫歿氏年二十九事義撫子守  
節三十年

王氏孫天機妻年二十歸孫七載夫故遺孤曰哲甫五



月矢志撫孤姑欲勸改適氏抱子泣于父父婉勸其姑乃止姑性素嚴至是益甚氏善事之不忘叔無子出貲四十金爲叔娶妾叔果生子氏撫子曰哲成立肄業衍疇書院有文名氏六十六歲守節已四十年姜氏適崔廷贊年二十一贊疾革氏欲以死殉贊謂氏曰幸有遺腹倘生男我雖死而不死矣遂卒越三月氏果生男乃撫之時舅姑在堂姑性嚴氏委曲將順雖勞不怨且能和其娣姒庭無間言仲姒早亡遺孤五歲叔姒又亡子女在襁褓氏撫育之以完婚嫁氏子哲亦成立守節五十九年學使張旌巨其姜姬姜



周氏歸胡

勸改適不

悍豪族囑媒強之氏泣曰不

更二夫

老奉菽水者非我而誰吾

志已決

從子成爲嗣未幾成殤

又以從子學

立無可爲依以針紵所

蓄餘貲奉翁安孀姑主家政氏生養死葬靡不盡禮

課子成立守節已五十一年學使汪旌曰矢栢培蘭

馮氏段永壽妻年二十一大歿遺孤天池氏撫孤守志

教育入庠守貞已五十二年學使張旌曰保孤守節

陳氏何中立妻氏年二十五歲夫亡張氏何中玉妻氏



年二十八歲夫亦亡二氏同矢貞操陳撫其子澣張撫其子漣澣娶高氏生子重華而澣歿漣娶詹氏嗣而亦歿高與詹矢志奉姑以撫重華成立生子

文世系綿延人稱一門四節邑令吳旌曰水撿濟

胡氏高思聖妻郭氏高希聖妻二氏姊妹也胡年十九適思聖閱五載而夫歿郭年十八適希聖其夫子兄歿之數月後亦歿二氏俱無子各有一女並無期功強近之親胡以族姪珍爲嗣郭以族姪璵爲嗣其矢貞志以奉姑姑年已老且多外侮二氏乳養相依

此堂之下也



郭亦二十六年

李氏謝書豪妻謝家貧而業儒娶氏踰年生子必宏而書豪故氏年十八事親撫子備極辛苦邑令歸旌之曰冰心映玉閱十餘年翁歿又十餘年姑歿喪葬皆合禮焉守節已四十餘年

李氏儒士凌述益妻夫亡氏自縊家人救免姑諭之守節乃以顯曾爲嗣奉姑撫子歲祲衣食不給晝夜搯作以供姑乾隆八年姑疾危篤氏焚香祈禱割肉自罰求延姑壽姑疾漸愈姑年登八旬事之愈謹氏年二十八守節迄今三十年

李氏祈禱一事宜人孝婦但夫死有姑不應先縊仍



載節婦

賈氏馮大升妻年二十四夫亡二子尙幼氏奉姑課子

守節五十餘年學使張旌曰完節成孤

段氏高妻夫亡以伯氏勲子華爲繼與其叔姒季

姒守志段守節已二十八年其姒亦勵志不渝時稱

一門三節

馬氏高遠妻遠卒遺孤二歲馬守志五十年教子希文

入庠

蔡氏田粹政妻以姪爲嗣守節二十八年

傅氏高遠妻夫死以姪爲嗣奉舅姑甚謹守節二十八年



年

喬氏袁士禮妻氏年二十一夫故矢志撫孤學使潛旌  
之曰孝慈備至守節已三十二年

孔氏王啟祉妻氏年二十夫故守節已二十四年

胡氏儒士王勤修妻氏年二十一夫故奉親孝謹撫子

鑄成立入庠守節已五十二年

呂氏張狗兒妻年十八夫故守節已三十八年

陳氏牛居辰妻年二十三夫故守節已六十三年

劉氏王繼方妻年二十四夫故氏奉翁姑撫子守節已

四十年



李氏宋協妻年十八夫故守節已二十八年

趙氏吳教妻年二十三夫故氏撫子敦本成立守節已三十七年

朱氏楊景和妻年二十二夫故奉舅姑撫孤子守節已五十年

杜氏劉敦臨妻年二十二夫故無子氏奉親立嗣守節已五十餘年

呂氏吳閔妻年二十一夫故無子守節已三十年

子氏馬海龍妻適馬未及二年馬以疾故氏年十九有勸他適者誓以身殉又有言宜奉舅姑不宜死者



然之紡績養親克盡婦道舅姑歿以堂弟之子爲嗣  
家無斗筲處之宴如苦節已三十三年

周氏監生張崑璠妻夫亡子甫二歲撫之成立娶婦胡  
氏子歿又與胡撫其孫成立娶孫婦張氏孫又歿又  
率孫婦張撫其曾孫三世嫠居一門守節康熙六十  
年攝縣事吳以節孝可風旌之氏苦節數十年且好  
施樂善助隣佑張姓棺濟孫姓娶婦金婢女年二十  
者令其父母引去不受價鄉黨稱之

李氏王璲妻夫亡氏年二十五奉翁姑撫繼子希平成  
立有二孫繼子又亡子婦袁氏奉孀姑以撫子姑婦



同矢水搥學使張旌之曰兩世同貞

遠氏王問妻夫疾革與氏訣曰死不足恨所恨者祖父  
母未葬父母年高子幼汝少耳氏嚙指自誓以慰之  
夫歿氏年二十四舅姑俱六十餘生養死葬皆合禮  
篝燈課子紡績勞作淡然安之守節已三十年

張氏年十五歸李克勇奉夫事親克盡婦道夫歿舅姑  
衰老氏針紉以爲養撫其孤子成立學使汪旌之曰  
秉節全祧守節已四十五年

朱氏以承妻年二十九夫故氏承夫命奉事舅姑

守節已三十

年



舅姑夫病危泣告于夫曰夫亡妻殉婦道也我非不能奈此弱子何當爲君撫之子如不存吾卽死決不爲他人婦也夫然之遂歿氏年二十六飲水課子守節已四十五年

胡氏年十九歸王符閱三月姑袁氏歿伯嫂相繼亡越一載而夫故翁年已老氏勸聖繼姑李以主中饋繼姑生子豫氏與姑殷勤保護極篤翁未幾歿氏事繼姑甚謹復助繼姑爲豫娶室氏每遇月吉必焚香爲之祈嗣旣而豫果生長子克岐次子克嶷氏遂以岐



爲後撫之成立入成均氏年七十五歿守節五十五年

段氏王豫妻年十八適豫與伯姒胡共事其姑姑以壽終氏與胡卜吉合葬共襄喪禮夫歿氏與胡同矢貞  
搯以保遺孤胡歿率其姪克岐經營喪葬氏守節已三十五年課子克嶷入庠

李氏年十六適于耀閔九載夫亡遺子共服甫五歲氏誓守奉舅姑姑患風症氏日負姑起立十有餘年姑歿事舅亦誠敬舅歿合葬如禮撫子成立守節已五  
十一年



遺幼女無子時舅已早逝姑雖孱弱且病兼家貧  
寄外夫弟冲初氏慟不欲生而又義不容死乃率  
弟躬親荼毒午夜紡績奉養姑晨昏飲食起居毫  
踈忽數十年未嘗暫離左右后值疾革氏憑榻持  
姑卒于懷相依爲命至歿不衰撫幼女亦爲謀家守  
節四十餘年無一稱意時壽終後以胞姪郭正爲嗣  
賢孝苦節之稱遍閭里無異詞焉

陳氏牛世印妻結褵五載印膺貞疾病篤時哭語氏  
人孰無死顧雙親在堂未仲孝思幼子襁褓未見



立二者遺恨死難瞑目言已唏噓泣下而逝氏跪哭  
受之盡出所蓄紡績金數兩付夫兄爲舅姑謀供養  
幼子謀衣食並敬事兄嫂終身無間言後舅姑繼  
氏率幼子極力協兄嫂營葬以窮簷孀婦不負孝  
克終夫志如此可以風矣

耿氏係故民徐自振妻年十七歲歸振家甚貧苦  
姑越七載姑歿氏養翁姑孝又三年振以疾歿  
不欲生第念翁正老茹荼飲水親操井臼事翁姑  
養其民生父以氏爲孝

通事



亂之末作勝千張爲文章稿不存或勸之存稿氏曰翰墨事非婦人所宜寧卒事其姑溫恭盡禮得其歡心姑繼以子篤行不可却教之成名守節數十年

李氏胡祥彥妻 高氏張仲仁妻 李氏陳一柳妻

劉氏李曾信妻 鼓氏胡祥弼妻 牛氏王之華妻

王氏生員王之哲妻王氏胡可福妻

以上俱係合例節婦

### 淑媛

晉殷氏潁川長社韓伯之母浩之妹也高明有行家貧伯數歲至大寒方爲伯繻令伯捉熨斗而謂之曰且



著襦尋當作複襦伯曰不復須問故對曰火在斗中而柄尚熱今旣著襦下亦當煖殷于是異之其隣吳隱之少有孝行遭母喪殷每聞其哭輒輟事流涕謂伯曰汝若居銓衡當用此輩人伯後果爲吏部尙書吳遂貴嘗隨其孫繪之一作之官衡陽道逢桓亮謂

其外孫卞鞠曰我不死見此豎二世作賊在衡陽數年繪之遇亮之難殷撫屍哭曰汝父昔罷豫章徵書朝至夕發汝去郡邑數年爲物不得動遂及于難夫復何言家有一古几毀壞卞鞠見几惡欲易之殷曰

若不見此汝何以得見古物

晉書  
卷之九



妻徐氏家貧傭以度日強患疾中夜思食肉而不可得徐割股食之病尋愈

國朝胡氏鄧天保妻保凹膺癘瘳且雙足塊然無知不解衣食起居需人胡爲之扶持衣食翁姑以子猷廢憐之一日遣歸寧謂其父曰必無歸可擇良栖也暮將歸夫家父告以故氏泣曰是死天保也不告而反歲祀半菽不繼搯作彌勤翁姑愈憐之與其父再舉前議氏正色不從遂自縊急救免翁姑知不可奪乃止有司旌其閭曰女中大賢

李黑兒妻寇氏氏未嫁時黑兒已無賴氏父耻之謀於



氏母欲更字焉氏知之涕泣累日走告族兄得名名  
爲畫計以死爭母大怖詎其父遂寢其說無何歸李  
氏甫半載黑兒遠颺數年音問隔絕或曰已死矣父  
母留至家共爨復主前說氏怒曰今爲李氏久矣父  
母不能主也遂析居另爨紡績度日又數年黑兒自  
外至有劉蠹儒者嘉氏志搢勸黑兒改行黑兒大悔  
頓改前轍與氏並止蠹儒家

生員呂鑑理女名冰如幼而端慧習詩書篤好董趙  
諸女工之暇習字哦詩學胡姓年二十而天臨終

以慰雙親既



市相伴何意轉成望愛人又云辭別雙親去無由得  
再還腮邊偷掩淚強作笑時顏

尹自任妻張氏善事公姑閭里稱誦以夫主貴贈孺人

舊志



卷之九終



縣志卷之七

文林郎

西華縣事朱

狗重修

補志

流寓  
壽民

仙釋  
紀瑞

方伎  
冠

志必分類而見各因其事其人以載之此大綱細目  
所以詳也他省寓公傳仙釋與方伎小道本無正  
志可入附識於此至五行災祥累朝兵寇事不數見  
例得備載是以補志編

流寓

金劉昉字仲宣中山人寓西華博學能詩嘗作睢陽八

詠人爭傳之居邑之上審時為州牧劉祁所重



明萬宏祐字德園本江山人慕理學和名來西華一見  
理遂歎服師事之福南渡以歲貢將補官福王出  
奔遂遨遊山水古貌冠往來歌嘯見者皆稱為萬  
先生所著有一園集時化康熙年間中式舉人最  
知名

洪清畫字心禪一字冷

錢塘人以諸生隨父來陳詩

崇杜陵而逸所著有

一園草蓄金石遺文博通奇字

風韻絕類晉人天

所至寓情墨妙有米顛雲林筆

意每自珍秘偶為

石一作槎枒怪石索解

生平若茅河段

四庫全書



梅月放歌自

其間行人望之者以爲

童指曰此吾村山

洪冷漁也歿後墓畢家口

胡儼高其風立石墓

仙釋

葛仙翁吳人學于左慈得異術嘗過此冬月臥大雪中

渾汗如雨未幾去華入爲之立祠相傳有葛仙翁遺

址

無任不知何許人自名曰無任時人亦呼爲無任嘗居

壽聖寺瞑目獨坐旬日不食書其門曰來時不知何

處來去時不知何處云不復見



風道人不知其姓名但覩其髮行步踉蹌其狀若風因以呼之元至正間住璇城寺逢人則指天畫地言天下當亂有時倒臥泥涼中如醉群兒逐之大笑或大哭有問禍福者言多可驗與之錢不受與之食或大嚼數聲酣睡二日忽遁去時邑人有自楚來者遇于襄陽城中托致聲住持記之卽去之日也

文通慧姓張棄家祝髮師令掌厠盥盆忽有市鮮者沃于盆文偶擊之仆

老名曰三十年前

版公案今日當了衆問故曰日

法堂瞠目視文將射之文跌

聖法堂瞠目視文將射之文跌



已入卒巨一員即欲相害事無成  
後卒悟曰冤冤相報何時了刻刻相繼豈  
若與師與解釋如今立地往西天視之逝矣文

崇筆書偈而化

廣輿記

邑之蕭洪村北關帝廟西南隅有椿一株枯死已十八  
年萬歷八年三月初八日廟祝將伐之有羽士坐其  
下止之曰勿伐勿伐此睡耳非死也手拊椿連呼速  
醒者三又書呂公春三字于樹俄失所在衆大驚無  
何發葉敷榮丹書筆跡宛然可辨

李岫雲善攝生術年九十面如童子行走如飛後不知



所終

邑東北夏亭集東嶽廟任持張三陽能以浮水愈疾一方賴之嘗以其術治商水藩王疾王愈謝以金不受囑王于朱仙鎮鑄銅神像三尊置之河順流而下數百里徑至東嶽廟前張迎入供奉未幾張死月餘有人自金頂來遇張于道裸首跣足手提一靴揖其人曰吾不復還矣君歸至廟中見神座後有酒壺一具錢八枚在壺急令沽酒者某姓持去言畢遂別其人歸方知張歿已久與衆往觀果如其言壺內有錢衆取之弗能出召沽酒者取之壺蓋與衆不同也



今廟內遺像猶存立碑紀其事

方伎

南齊殷蒨善寫人面與真不別劉瑱妹齊鄱陽王妃王  
爲齊明帝所誅妃追傷成疾瑱令蒨畫王形像并圖  
王平生所寵姬共照鏡狀妃視畫唾之病亦除

南史劉瑱

傳

北齊殷英童善楷隸兼工畫

書小史

宋陳用志鄆城人寓西華小窰鎮人呼爲小窰陳天聖  
中授圖畫祇候景祐初勅畫水龍圖且善畫番馬初  
學胡環而奇怪過之更工山水層巒疊嶂有千里之



勢求者日趨其門

明李鉉邑人善畫山水人物所畫鍾馗能驅邪祟懸于  
暗室畫中蝙蝠能繞簷飛萬歷時游燕邸時宮中不  
寧莫能驅逐鉉名聞于帝帝召之畫鍾馗一軸懸于  
宮中邪祟不復爲患帝悅賜以官不受歸隱而終

王遵範善畫山水遍寫邑中至今人爭寶之

王履祥字用拙善畫擅李龍眠黃子久倪雲林各家

每臨名畫真偽莫辨

府志

王多寧精于堪輿者龍說八章行于世

王

字

夫

氏

名

字

夫



之博覽多識以易學世其傳專精理數闢賊之亂避  
難睢州演易設卜以餬口踵門甚衆餽金帛者酌取  
之以足用不多取也數日後告其家人曰睢城人數  
萬何以問卜者皆無祿當今盜賊蜂起睢城其不免  
乎挈家走河朔越三日賊果屠睢州而張氏一門卒  
免于難迨中原底定歸老林泉躬耕養親融融無間  
復出其所學教授子姪科第蟬聯絃誦不絕云

壽民

王奇珍居邑之大王庄年屆期頤步履如少年卒年一  
百三歲



縣民李士進妻邵氏一百三歲建坊

張可世居隨旺村年一百一歲

高其如居邑之東夏亭年一百歲其人尙存

暢含美年九十九歲

紀瑞 五行附

朝康熙二十六年秋禾大稔三十七年麥秀兩岐大有

年四十五年大有年四十九年麥大稔五十二年大

有年 雍正四年穀秀兩岐六年大有年十二年大

有年 乾隆五年麥秀兩岐夏端不爲災秋大稔

年大有年十二年大有年十五年大有年



之一本光彩射人十八年麥大熟

五行

周莊王十四年秋大水毀禾稼 靈王十七年春大飢

漢惠帝五年夏大旱十月木華棗實 高后三年大水

漂沒民舍 文帝三年秋大旱十一年二月河決十

四年六月大雨雪 景帝三年六月大雨雪 武帝

元光四年四月隕霜殺草木元鼎二年三月大雪平

地深五尺 昭帝元始元年大雨自七月至十月隕

霜不殺草 宣帝建始元年夏霖雨壞官民舍



東漢明帝永元元年七月河溢漂沒官民舍 桓帝建

光元年七月地震壞民居 獻帝建安四年六月寒

風如冬人多凍死

三國魏明帝景初元年九月大水漂溺人物

隋文帝開皇十八年九月河決

唐太宗貞觀十四年九月河決 高宗神龍二年冬十

月至三年夏五月不雨民大飢 元宗開元元年蝗

食禾黍聲如風雨十四年大水毀民廬舍 文宗太

和二年野蚕生桑鄉民取以織絹三年二月至六月

不雨民大飢



宋太宗至道三年風雪殺桑 高宗紹興八年大雨雹

大小成龜形

元世祖至元二十七年十一月河決

明太祖洪武二十年二月河溢 孝宗二十七年大旱

民飢 武宗正德十四年大水漂没人物 世宗嘉

靖十七年十八年大水相繼渰麥歲大飢人相食

穆宗隆慶三年六月大雨水溢 神宗萬歷十八年

三月三日黑風寅時自京來巳時至河南申時至南

京經過本邑晝晦行人落坑井二十一年夏五月大

水渰麥秋霖復傷禾稼縣城四隅積水如潮僻巷水



二三尺民間有網者出戶便可得魚冬大飢上發帑三十萬遣使賑貸中州西華與焉二十二年二月久雨沙河溢渰二麥殆盡人食草木邑里蕭條三十四年蛇過自北而南三十九年火過每夜遠看遍地皆燃近看則無凡十餘日始熄四十四年蝗食禾殆盡牆壁皆蝗 懷宗崇禎五年六月大水不知來自何方須臾之間深一丈鄉民爭趨高崗避之而高崗之水又深于窪地城西一望五十里皆洪濤也十三年赤黑風自北來凡三閱月大飢父子夫妻多相食城郭之民公然有鬻人肉者十四年冬十月風過猶然



走西風之歲太旱

皇朝順治四年自夏徂秋霖雨害稼五年大雨水沒田

康熙六年夏旱蝗七年夏六月十七日薄暮天

地震二十四年六月至七月大雨河水溢決堤害

奉文蠲賑二十七年秋積潦傷稼三十四年春旱秋

水溢禾不登三十五年夏飛蝗食稼知縣李培力捕

滅之四十二年夏大雨河水溢四十八年夏大雨黃

河決中牟至縣麥禾被淹五十年春旱六十年秋大

水雍正元年春蝗秋七月黃河決水淹禾稼奉文

蠲賑二年春旱夏大雨傷麥三年夏秋霖雨害稼奉



文蠲賑八年夏霪雨河水溢傷稼

特蠲漕米有差十年夏霪雨秋水歉收 乾隆元年夏霪

雨秋禾薄奉文撫卹緩征二年夏大雨秋禾被淹蠲

賑有差四年夏大雨河溢壞稼蠲賑有差七年夏大

雨河溢禾稼被淹蠲賑有差八年春疫民飢

上聞遣使馳赴存恤十一年夏大雨壞稼蠲賑有差十二

年大雨如注秋禾被淹奉文蠲賑十四年大雨兼旬

河溢淹禾奉文蠲賑十七年夏微旱蝗蝻生甚熾本

府高督同邑令宋與儒學典史等用布牆撲打並捐

錢百餘千收買蝗孽滅之禾稼不傷



兵寇

南北朝魏孝明帝孝昌三年陳郡民劉獲鄭辨反於西華與梁譙州刺史湛僧智通魏以曹世表爲東南道行臺討之諸將以賊強不敢戰世表方病輿出呼統軍是雲寶謂之曰僧智敢深入者以獲辨爲內虛耳聞獲引兵迎僧智去此八十里今出其不意一戰可破獲獲破僧智自走矣乃選士馬付寶追擊獲等大破殺之僧智遁還

**唐**德宗貞元十五年吳少誠寇西華陳許大將孟元陽拒却之



明英宗正統十二年西華劉通與妖僧允天峰謀作亂  
天順甲申有石和尚者假稱石亨家屬通遣子聰與  
之舉事因稱王偽號曰漢撫寧伯朱永尙書白圭統  
兵破通擒之石和尚劉長子脫走復聚衆刼掠都指  
揮白玉追擊大破之擒通妻子 武宗正德七年劉  
六劉七趙風子流入中原寇西華城陷知縣李景教  
諭孔環典史楊紹龍死之 世宗嘉靖二十二年柘

城賊師尙詔反寇掠西華殺擄男婦焚燒民房無算  
懷宗崇禎十二年臨賴賊一條龍袁老山突入縣

焚掠無算正月

民亂丁君舉反邑令劉



賊殺甚名雖受撫搶掠益甚及官兵至賊去已久矣  
十五年二月闖賊李自成由汴梁入西華攻城連晝  
夜城陷知縣劉伯驂典史葉重華死之先是總兵左  
良玉于兩月前統十萬衆向西華索糧沿門搜掠曰  
吾爲救爾來也城破之日良玉妾在是年捕役金高  
據北柳城殺人如戲邑中房屋盡拆縣境五十里墳  
墓無一免者



墓無一食者

蘇州府城人吐瀉過中氣虛弱非藥與五十里外

吾為妹爾身也與弟之曰夏正安有吳平能好金高

夏正平兩民皆神十萬眾山西華陽縣新門與弟曰

弟以割喉事隱印絲與弟重集以衣衣縣與五

十正平二民國知李白山中救與入西華與弟重集

弟以割喉事隱印絲與弟重集以衣衣縣與五

弟以割喉事隱印絲與弟重集以衣衣縣與五



